



BIBLIOTHECA  
UNIV. JAGELL.  
CRACOVENSIS

Mag. St. Dr.

35419

I

35420

P

THEOLOGIA.

N. 459.




35419-35420


I

8

X. h. 9









# MIPHIBOSETH SPIRITUALIS

*Id est*

## RELIGIO SEU FIDES AULICA

Claudicantium in utramq; partem  
*Seu Syncretistarum, Adiaphoristarum,  
& Libertino - Pietistarum Arbitran-  
tium, quemvis, modo sit Christianus & bone-  
ste vivat, in sua Secta salvari posse; Con-  
troverfias verò, quæ de cæteris agi-  
tantur, Ecclesiasticorum duntaxat  
altercationes, & res minimè  
ad salutem necessarias  
esse.*

Ad rectè ambulandum.

*inducitur*

Per P. GODEFRIDUM HANNENBEG S. J. THO.

*Opus Posthumum.*

\*\*\*\*\*

CALISSI,

Typis Collegij Societatis JESU. An. 1730.

IMPRIMATUR  
ALEXANDER GORZENSKI

Canon: Cathed: Gnesnens:

Archi Diaconus & Offici:

Califfiensis mpr.

JOANNES JUSKIEWICZ  
PRÆPOSITUS PROVINCIALIS

Soc. JESU per Poloniam.

35. 820. **C**UM Opus quod inscribitur: *Miphiboseth Spiritualis, id est Religio Politica*, aliquod ejusdem SOCIETATIS Theologi recognoverint, & in lucem edi posse probaverint, potestate mihi facta ab A. R. P. Nostro *Michaële Angelo Tamburino*, Societatis Nostræ Præposito Generali, facultatem concedo, ut typis mandetur, si iis ad quos pertinet, ita videbitur. In cujus fidem, has Literas manu meâ firmatas & sigillo munitas dedi. Cracoviæ 27. Maji 1730.

*Idem qui supra mpr.*



# PRÆFATIO.

**F**Idem aulicam, licet Aulâ Tuâ proscriptam, tuâ tamen Virtutum Regiæ, Domui inscribimus Illustrissime Excellentissime Domine. Neque temerario id ausui imputa, si picturatum hoc crimen & nulla dignum fide mendaciû in Tuæ Domûs atria adducimus. An enim latere quandoque te poterit tam grande nefas? qui Poloni Senatûs stator Jupiter es, & vindex scelerû. Ad te proinde hoc crimen ducitur ut more Divino damnes, postquam illi iudicium decreveris. Consultum fuerat, imò Tibi purpurarum Flori deferri debuit hic scarabæus ut venenò inficeres. Tam intempesta totò Orthodoxæ Religionis cœlò, nostrò ad te trabeatum solem spiritu impelli, ut discuteres. Sparsum hoc plurimis Magnatum aulis Virus, tuæ nisi Aulæ committi, ut contra illud desudares, unio Procerum, & Regni nostri Achates æstimatissime. Hanc denique Hydram centeno propè capite pro Fidei multiplicitate tumentem, ad te Polonum expedire Herculem debuimus, ut uno illi duntaxat relicto capite, in reliqua, Capitalis Hostis assurgeres. Novimus enim Tuæ Aulæ penetralia, ac si Christianæ pietatis sacrarium patere, ubi crimina veniunt expianda, accedunt probra, ut emendentur, confessura impietas accelerat, ut indulgentiam consequatur. Ad eundem proinde locum conscium suæ infidelitatis accurrit flagitium, ut à Te & Fidem discat & Religionem. Quid enim in

Poninsciani Honoris Templo non ad imaginem Christianæ pietati similem? Quivis apud Vos Poninii sacer Titulus ( & si eum non omnes habeatis ) dici deberet. Non Vestri enim humeri purpura est, quæ testem flagitii, non verecundiæ præfert ruborem. Non vestris Penatibus commissæ secures, quæ præ sacris postibus non vigilant. Aliis noxa trabeata, nec in honorium crimen est: eodem Tyrio vestiri vellere, incedunt Magnates & vitia. Vilis putatur, nisi plerumque ut monstrum Affricanum debiscat sub auro impietas. At vos fortunæ rota eò provexit, ut procul discederetis à vitiis. In illud nempè altum cum Avita Navi abrepti estis, ut terras non videatis nisi, Cælum. Quare si quæ adhuc à Natali Vestræ Prosapiæ solo Violæ Rosæque prospectant, non aliæ sunt, nisi quæ ut Orthodoxam pietatem oleant, sic Numinis ornent altaria. Tenetis quidem porrectos Vobis Fasces sed quos ritu Romano Virgæ componunt, ut constet vos non prius honorem, quàm Romanam ad castigatæ studium modestiæ disciplinam, suscepisse. Stat adhuc, quia tuâ benefica Ladislæ sustentatur manu, ut fortunæ sic Pietatis Tuæ Opus non humile, Babimostensis Basilica. Unde suam Tibi ædem, hospitale Numen, incolæ cælestes tam sanctam ædificationem tuo exemplari beneficio, Tibi demum trabeato Amphioni sanctiores hæ Thebæ debent, quòd ad æris, argentique Tui, ac si ad Cytharæ sonitum surrexere. Neque id tantùm pro DEO & Aris egisti. Ad Viennam cum Joanne tertio grande Tibi pro Religione negotium fuerat. Pugnare debu-

isti



istis pro cælo sidera, cum luna & toto Oriente. Joannes tertiùs & Tu secundus Ladislaus, cum Mutsapha Vesyro Machomete secundò. Sic ne cælum Christiani Orbis rueret ivisti Viennam, Atlanti Sarmatico in suppetias non impar Alcides. coronato nimirum Polanie Jovi Threicios oppugnaturò Gygantes Tu ministri status aquila assistere debueras, cui fulmina deferres in Caput hostium, evibranda. O quanti tunc, dum cum barbaro fidere decertares, præliorum æstus! quæ bellorum facies! cum frontem iræ & Marte asperam Bistoni opponeres. Vidissetis hinc (si tutis spectare licuisset) æmulas sibi obviare discordias, hastas hastis, & enses coire ensibus, telorum iras missiles implere àëra, grandem sævientis plumbi insolentiam bellicâ arenâ colludere, undiq; cum militaribus aquilis ensem volare. Inter densas tormentorum nubes sanguinea tempestate totum, pænè diem confundi. Vidissetis adhuc. (si non tam obscura nocte Othomanicæ Lunæ pugnandum esset) quæ digladiantium inter se Virorum lucta! qui certantium Militum consiliatus! stabant primò catafracti pugiles, mox obviam sibi occurrebant, atroci amplexu! talis enim hostium humanitas est, se invicem salutantes. Alii enim ferrò, in toto crudeliter corpore grassari; æra ad multorù funus explodere alii, alii plumbò violenter invadere viscera; irruì in hostem alii ut fulmen quod statim perimit: hinc permixtæ passim hominibus mortes & funera viris interspersa campò jacere, illinc semiviva in equis cadavera toto vertice nutare, suis veluti malis annuere, inde belluaram pedibus dejecti disrupti-

que Herèos videbantur. Alibi demum & viscera à pectore exulârunt, & colla suum caput amiserant, & aures à vertice fugerunt; nec brachiis dextræ nec dextris digitis, nec digitis pedes tenebantur. At tam triste Corporis divortium nisi sanguine desleri poterat, abituri verò à se in cruento illo abscessu artus, hiantes cicatrice id est tacito ore, (ingens enim dolor garrere nescit) sibi valedixerant. Tu verò inter tot Cæforum vulnera vir integerrimus, post puncta aliorum, & styli ferrei imisa, Tu tota & simul magna Periodus, triumphorum, Fastis inscribenda. Ita est: Te virum aggredi timent pericula, sanguineæ Cicatrices erubescunt tuo infligi Corpori. Scilicet Tibi laureato Achilli fulmina belli nocere non poterant; neque Te solem Lechicum Orienti Turcico æmulum tela ferire. Aureus enim ex toto vir fueras, & ideò ne unica quidem parte aut ferrum aut plumbum ad vulnus admiseras. Unde Odrysi Canes allatrare Te Virum poterant, non mordere. Id sane erat, ut Te sacrilega Thracum manus, nec tangere ausa, quòd grandis Sanctorum Tuorum Patrum Reliquia fores, nec ledere rata: quòd in totius corpore exercitus quidam, ab agilitate pugnandi esses Spiritus, postquam tot Cæforum cadavera, superstes anima. Assurrexit Hungariæ Appeninus nò semel à perfidis Gygantibus contra Orthodoxæ Religionis cælum jactatus, sed Te missum à nostro Jove sensit fulmen & facile sub Imperii Christiani jugum colla demisit. Pannonicus mons ille, an verò grande laborantis terræ ulcus adeò hæretica infectum sanie tumuit, ut à Tuo prius



prius ense præcidi deberet, donec ad sanæ mentis vigorem redisset. Et hæc sunt fertitudinis Tuæ, quæ miramur prodigia: prius Lunam Othomanicam post alpes Hungariæ oppugnasti & facile vixisti Poloniæ Annibal strenuissime. Placet tandem hos etiam quos extra bella meruisti triumphos, & illas pro quibus in mentis acie desudasti laureas, è proximo intueri. Ingredimur perinde Electoralium Comitiorum Augustalia, illum videlicet Poloniæ libertatis Campum, quo Tu Marechalculus ac si quidam animorum Dux, votis præibas. O quot ibi litigantium secum consiliorum, prælia: oppositi sensus quot! dissidentium quot conflictus! Tu tamen tam forti inter illam animorum luctam certabas dexteritate, ut facile Augustum secundum, Regem evinceret. Ita prodigiosa vi eloquentiæ impugnabas, ut contrarii adversantium nutus, statim cum strepitu caderent, dum Tu Pacatus Orator pro Saxonico Theodosio steteras. Ubi verò conricuerunt verborum fulmina, Tu gemmas pro vocibus fudisti, quibus futuro Polonorum Regi Coronam distingveres. Ita sane decuit, ut Cæli Poloni Phosphorus coronato Soli præires ad meridiem, & prius mane accenderes purpureum, postquam se in auge vidisset Dies serenissima. Imus nunc ad Illustrissimæ Prosapiæ Tuæ Conclavia, ubi curiosò oculò deposita Poninii sanguinis decora percurramus. At quorsum ista? Quis vos tam ingentia Procerum Castra, irabeatam Virorum Gentem, & Populum Diis terrestribus affinem, distinxerit per vocabula? Tantum jam in prima Familiæ Linea amplifica-

ti estis per Titulos, tantum enim honoris punctis Pa-  
 trescripti, vel obis nulla Panegyris sufficiat. Ve-  
 strane intra Paginae Margines Argo capi poterit?  
 quæ illud sanguinis mare decurrit quo aut soles Re-  
 gnorum LESCZYNII ad diem fortunatum emer-  
 gunt, aut Murices habentur tot purpuratis OPALE-  
 NIORUM, GEMBICCIORUM, CZARNIEC-  
 CIORUM, POTOCCIORUM, TARLONUM,  
 ZALESCIORUM, CHOCISZEVIORUM,  
 STRYKOWSCIORUM, GALESCIORUM,  
 PSARSCIORUM, ZEGOCCIORUM, RA-  
 DZESCIORUM, MIELZYNSCIORUM,  
 DRUZBICCIORUM, SZCHANIECCIORUM,  
 TRAMP CZYNSCIORUM, SWIECICCIORUM,  
 SZULDRSCIORUM, BRZESARUM,  
 PRZYEMSCIORUM, ROZDRAZEVIORUM.  
 &c. Nominibus consanguinei; Ita una Tua Mæcenæ  
 Illustrissime Domus, integer senatus est & quoddam  
 Regni. Illustrissimi Progenitoris Tui Castellani Gne-  
 snensis prætermisimus elogia, quamvis Te non tantum  
 etate sed etiam laude præcedere debuisset. Scilicet  
 novimus Te ipso Filio Parentem laudatissimum. Viva  
 Tu ipsius quantumvis jam mortui es Panegyris. Satis  
 nimirum Patri Saturno Filius Jupiter, Jovi tam sa-  
 piens partus Minerva, gemmea proles parenti Con-  
 chæ, & Tuo Genitori satis Tu Ipse pro elogiò. Illustris-  
 simo vero Castellano Posnanienti Fratri Tuo ipsum  
 veluti soli depingo parelia. Nil enim est nisi for-  
 te sola etas, quæ Vós discernat. Tam pulchro vobiscum

marie



*marte certatis ut utrique eadem pugna sit & laurea  
quia telo amoris miscetis praelia. Ambo Optimates estis  
& optimis meliores. Unus pro Ministri statûs Officio,  
stator Jupiter, alter in senatu Numia est, uterque ve-  
rò boni publici Custos fidsissimus. Prospicitis à Patrio  
Cælo soles Gemini, ut nullam diem Polonia vivat,  
quam aut intempesta Calamitas afficiat, aut fatorum  
nubes denigret. Vos tandem Corona Patris & elogii Po-  
loniæ Procerû Nepotes lectissimi & pagina postulat &  
dies. Ut Heroës nasci liqueret, vos Triarios orbi Lucina  
donavit. Ne vero unum Munus essetis ternas Vos Gratias  
obtulit Poloniæ. Scilicet nec plures quam tres nasci  
poteratis, nè facile Vobis pares Orbis inveniret, nec pau-  
ciores, ut Vos pluris haberet Polona Respublica. Pri-  
mum juventæ Florem quem apes Atticæ ad Platoni-  
ca mella sugerent, Literario Calisthensius Atheni-  
Campo intulistis, ubi Vos magnæ spei Herbas susce-  
pimus. Tanta enim vobis in primo passu ingenii ce-  
leritas, ut & pennam Scholasticam & hastam Palla-  
dis prævolaret. Talem statim ad ortum diem dixistis  
scientiis, qualem sibi Doctissimi optarent vivere. Mul-  
tis ita difficilis mens obvenit, ut pro Phæbea fide torque-  
ri debeat, proinde ac si ferrum prius sub incude ge-  
mere, ut tandem acumen habeat, rudis velut & in-  
digesta terræ gleba prius artifices manus pati, ante-  
quàm aurum sit pro Doctorali Annulo. At vos ac si  
cum nativis Ceris idem haberetis ingenium cui ut sci-  
entiæ adhærente sic omnis eruditorum forma pul-  
chrè imprimitur. Tales equidem debuistis esse ut vos  
peregrinæ Gentis Capita æstimarent. Amarunt Vos  
Gal-*

Gallia, Lutetia, & plurima nobis Regna incognita & laudârunt, quòd altam Indolem, & simul animi demissionem haberetis. Norunt etiam Peregrina littora Vos Poloni diadematis uniones, tantùm habuisse de profundo, quantùm de alto. Placuit & Poloniae Regibus Vestra Indoles, qui ut Chrysolitus aurum, sic vos Juvenes pretiosos in sui pertraxit amores. Ita est: soles volucrum, vos hominum Regibus placetis Poni- nii quibus & cor & pupillam continuo intendunt. Vestrae igitur hoc vellus Purpuræ, quod Regum pendet à pectore. Vestra Navis, qua Numina terrarum amant devehì. Vestrae ceræ quas nisi Reges apum ad suas delibant illecebras. Ex Vestri demum sanguinis æquo- re hæ Gemmæ prodeunt, quibus Coronæ adhærent, imò vosmet ipsi Capita Coronarum estis quorum ver- ticem quidam amoris amplexu cingunt Diademata. Tua ista Elogia sunt Illustrissime Ladislæ. Omnis hic fulgor Tuus est, quia à Te habitus. Ingentes quidem sunt Illi, quos pagine margo complectitur, Fluvii, sed à Tuo sanguinis Oceano, ita per plures terras dispersi ut etiam in Tuos plausus exundent. Admitte tandem Tuis meritîs grave folium quod se solum in tuas lau- des transcripsit. Admitte hoc aulicum a Te & totò librò proscriptum Scelus, tanti facinoris malitiam supprime, tam angustè intra Domûs Tuæ penetralia occlude, ne longius per orbem serpat hæc pestis flagitiosa. Admit- te demum Illius Viri in hoc opere Caput & manum, qui se olim Tibi, nunc totum, cælesti transcripsit æternitati, ad quam Tu non nisi post sera fata provehære.

Ita vovet Magno Nomini addictissimum Collegium.  
Karnkovianum Soc. JESU.





*Ad Lectorem.*



Æc est nostrî ævi nunquam satis  
deslenda calamitas, quòd vel in-  
ter eos, qui Christiano nomine  
gaudent, haud páuci reperiantur  
ejusmodi Politici, qui de æterna

veraquè Beatitudine parum solli-  
citi, eò collimant unicè, ut in hoc sæculo id est,  
ærumnarum omnium Theatro vitam tranquil-  
lam, & ementitæ Beatitudinis pigmentò fuca-  
tam, trahere valeant. Et ideo rerum tempora-  
lium, Honoris videlicet & Fortunæ, nec non  
humanorum respectuum curâ abrepti, ea quæ  
ad Salutem æternam omnino sunt necessaria, ve-  
ram nimirum Fidem & Mandatorum observã-  
tiam, in seriam considerationem non admittunt.  
Quin imo Fidem Divinam in humanam, Reli-  
gionem Christianam in Politicam, quæ se cir-  
cumstantiis necessitatis, assentationis, loci, tem-  
poris, ac Personarum quibuscum agunt, per o-  
mnia accommodet, insolenti quadam Metamor-  
phosi reformant. Cupiditas siquidem, & molli-  
oris vitæ amor, favoris umbra, indagandi la-  
bor, fallax securitas, aliaq; ejusmodi, omnem  
in iis veræ falsæq; Religionis differentiam obli-  
A terârunt,

terârunt, adeo, ut cunctas in Christianitate, etiam oppositissimas sibi sectas, substantialiter approbent, & omnibus salutem appingant indigne. Ex his autem alii sunt Syncretistæ, non adeo pridem Dissidentes inter, progeniti: qui volunt, quamlibet è discrepantibus, præsertim his tribus, Catholica, Lutherana, & Calviniana, veram Religionem esse, hominesq; in quavis salvari posse, eo quod in essentialibus, seu ad vitam æternam omnino necessariis Articulis (ut arbitrantur) conveniant! discrepantia autem sit in accidentalibus duntaxat & adiaphoris, per inutiles Ecclesiasticorum tricas & Disputationes introducta. Quapropter, nullam ex his Religionibus damnandam, rejiciendam, postponendam, aut molestiâ aliqua afficiendam esse existimant. (Ita loquuntur, sed non faciunt: dicunt, *Pax! pax! & non est pax*: Ubique enim prævalent, Catholicos opprimunt vel maximè.) Alii verò sunt Libertini, indifferentes, & adiaphoristæ, Pietismum locò Pietatis sapientes: qui licet syncretizent cum Syncretistis, & cretizent cum Cretensibus, quatenus omnibus favent Sectis, nullam tamen ex vera animi Sententia profitentur! sed novam sibi Religionem fabricant, asserentes ad salutem consequendam sufficere, modò quis honestè vivat, & in unum DEUM ac Christum credat: vel (ut alii) si credat Symbolum Apostolorum: vel (ut denuo alii) si ea credat, quæ clarè & expressè in Sacris Literis præcipiuntur: minùs de us quæ paulò obscurius exarata sunt. &c. &c.

Habent



Habent hoc, quotquot inter Protestantes, Negotium Religionis parvi faciunt, ut, dum Catholicorum Argumentis ad angustias, unde elabendi non patet via, rediguntur, rimam sibi aliquam aperiant, & Syncretistas induant. Nos cum Catholicis convenimus in Substantia, (inquiunt) de rebus minoris tantum momenti, nec ad salutem necessariis disputamus. Ast ubi rima hæc obstruitur (ut faciemus in præsentī) ad privati Spiritūs latebras recurrunt: cujus testimoniō, dicunt, se in Anima Divinitus edoceri, ut de vero scripturæ sensu judicare, deq̃ reliquis Fidei Controversiis decidere valeant. Tandem dum hoc quoque latibulum diruitur (ut mox videbimus) sub Libertinorum specie in lucem prodeunt, & nec hanc nec illam sectam profitentes, novum sibi Religionis Systema de repente construunt. Innatum siquidem est Sectariis antiqua fastidire, & ad nova anhelare: unde vel ipse testatur Seneca dicens: *Proprium agri Apimi est, nihil diu pati.* Ut verò commenta sua hominibus arrideant, virtutis ac veritatis fucō eadem convestiunt, & modestiæ, charitatis, pacisq̃ pigmentō, decorata, velut dulce venenum propinant legentibus. Et hac fraudulentæ charitatis industriâ, sub Sacrarum Literarum velamine; sub dulcissimi Nominis JESU ovina specie, grassati sunt omnium temporum Novatores. Pro nostra cautela, ut blanditias ejusmodi suspectas habeamus, sic describit Manichæos circa Annum Christi 390. S. Augustinus lib: 3. Confes: c. 6. *Incidit in homines car-*

nales & nimis loquaces, in quorum ore laquaci, & discum confectum in commixtione Syllabarum Nominis Domini nostri JESU Christi, & paracleti Spiritus Sancti. Hac enim omnia non recedebant de ore ipsorum: sed sonotenus & strepitu linguæ: Cor autem eorum inane veri. Et dicebant, Veritas! & veritas! & nusquam erat in eis, sed falsa loquebantur.

Aliorum Novatorum Genium & speciem apprimè imitatus est nuper quidam Politicus in Opusculo suo Germanico, quod inscripsit: *Vera & unice Salvifica Christiana Religio Dissidentium in Polonia & Prussia &c. per ordinem ad Libellos hactenus editos à P. Godefrido Hannenberg Soc. JESU expendendos, proposita.* Non placet huic Auctori antiqua Veritas Catholica, ut est manifestum. Nec placet Lutheri aut Calvinii, quæ duo sæcula numerat, Opinio: cum enim Lutherus sui que Sequaces nihil magis quam Fidem prædicent, adeo ut etiam per solam velint justificare & salvare homines; ipse è contra, Fidei oblitus, veram Religionem in bonis duntaxat operibus constituere videtur. Pag: enim 4. sic loquitur: *Neceffe est ut sciamus quid sit vera Religio, id est, quid homini faciendum aut omittendum, ut salvus fiat.* Et quamvis in suo Sententiarum S. Codicis Regestro, aliquid de Fide in Deum & Christum, per transennam inspersum proferat in proprio nihilominus discursu nequidè mentionem Fidei facit. Ne tamen Politicus hic, Fidem prorsus eliminasse, adeoque nimis crasse errasse censeatur, interpretabor dicta ejus (ubi refutabuntur) indulgentius, quòd nimirum per  
facere,

*facere, etiam credere, intellexerit. Verbo, non placuit Viro ipsorum Syncretistarum ac Libertinorum, recens licet & adhuc fumans Invenio: novissimum maluit, ex Libertinismo, Syncretismo & Pietismo conflatum, Religionis Idolum effingere, inquiens: ad Vitam æternam opus solum esse, ut homo ea faciat, quibus velut conditioni clarè & expressè Beatitudo appromittitur in scriptura; Reliqua vero etiam Sacris Literis contenta, adiaphora nec ad Salutem necessaria esse; sed ab unoquoque, prout sibi videtur, intelligi ac explicari posse. Porro errorem hunc re vera perniciosissimum, ut suaviùs instillaret legentibus, insigni virtutis ac veritatis fucò, nihil magis ad speciem promovendo, quàm bona opera, charitatem præsertim, pacem, mansuetudinem & dilectionem proximi, condecoravit. Adeo, ut eloquentia sua haud pauci capi possent, nisi illud Christi Salvatoris monitum: *Venient ad vos in vestimentis ovium, intrinsecus autem sunt lupi rapaces*, feridò recolerent.*

Hanc itaque Religionem pseudopoliticam, seu Libertinismum Pietismo copulatum, sicut & quasvis alias Syncretistarum & Adiaphoristarum species, velut gravissimam Christianitatis pestem, & viam latam, quæ certissimè ducit ad interitum, invocatò Numinis auxiliò, ex omnium animis eradicare contendam in præsentì. Ante omnia tamen veram compendiosè monstrabo semitam ad Salutem, declarando, quomodo Catholicus certo scire possit, quæ credenda & facienda sunt, ut salvus fiat. Deinde



perditionis tramitem obstruam, manifestando, nec præfatum Dominum Politicum, nec quemcunque alium sive Syncretistam, sive Libertino-Pietistam, in sua Opinione idipsum scire aut scire velle. Tandem & præcipua, imo omnia, quibus ejusmodi homines communiter nituntur, fundamenta radicitus diruam. Hæc autem DEO dante, ita luculenter, ut omnis Anima palpare queat, in sola Romana Catholica Ecclesia, ea, quæ ad vitam æternam consequendam credenda & facienda sunt, certo sciri, adeoque & salutem ipsam obtineri posse: eum verò, qui hoc Opusculò bene perpensò, adhuc Syncretizare persistit, ad Mahometismum, aut Paganismum, aut denique ad atheismum ipsum proximè dispositum esse.

## PUNCTUM PRIMUM

*Declarat, quomodo Catholicus in Religione sua certò scire & habere possit, quenam ex voluntate Divina, credere & facere debeat, ut salvus fiat.*

**I. DEUM** Omnipotentem, & summè bonum existere, nemo nisi rectæ rationis expers vel subdubitare potest, juxta illud: *Dixit insipiens in corde suo, non est DEUS. pr. 13. Invisibilia enim DEI, per ea quæ facta sunt, intellecta conspiciuntur, sempiterna quoque ejus virtus & Divinitas, ita ut sint inexcusabiles. Rom: 1. Quoniam verò bonus est DEUS in omni genere, adeoque & bonitate sui communicativa, hinc*  
*naturas*

naturas creavit rationales, videlicet præter Angelos Hominem, ut suæ Bonitatis fieret particeps: & quidem hoc modo: ut se laudet, reve-reatur, sibi que serviens, tandem salvus & beatus fiat in æternum. *Creavit DEUS omnes Gentes* (inquit scriptura Deut. 26.) *in laudem & Gloriam suam.* Porro ut facere id ipsum valeat homo, innumeris eidem Naturæ & Gratiæ donis opitulatur. Produxit Cælum & terram, ingentes illos planetarum Orbes, multiplici luce ad omnium stuporem adornatos: totiusque maris & terræ commoda ac divitias, sustentandæ hominis vitæ destinavit. In quem, quæso, finem? Ut hisce rebûs ad sui Authoris cognitionem, Cultumque sibi debitum, ac tandem perpetuum in Cælis amplexum pertrahamur.

2. Non tamen talis erat DEO, quod homines ex contemplatione rerum creatarum, in aliquam sui suorumq; Attributorem apprehensionem, ipsius luminis naturæ ductu raperentur, & consequenter aliqualem duntaxat sibi cultum huic videlicet naturali cognitioni respondentem exhiberent. Sed statuit plura iisdem, de Excellentia & Proprietatibus suis, de variis Mysteriis ac Decretis suis supernaturaliter revelare: certamq; Religionis formam, Ecclesiæ suæ communem, juxta quam unusquisque crederet quæ revelavit, & secundum Fidem hanc ageret quæ mandavit, ut salvus, fiat, præscribere. Quod ipsum post Legem naturæ, & scriptam, potissimum in Testamento novo seu Lege Gratiæ, DEUS præstitit. In qua ordinavit, ut universus  
Mundus

Mundus (cui & propterea prædicatum est Evangelium) omnes Populi, sub unum congregarentur Religionis Nomen, ita, ut quicumq; Salutem adipisci desiderat sempiternam, hæc crederet quæ de Mysteriis, Decretisq; suis revelavit, hæc operaretur quæ præcepit: & sic Eum coleret.

3. Quoniam verò Religio hæc, quæ in Fide & Operibus, in cognitione DEI ejusque Cultu consistit, omnibus debebat esse communis! ex altera quoque parte, hominibus ex Spiritu & corpore coagulatis, proprium & communè est, Invisibilia, mediante sensu, adeoque per visibilia cognoscere, hinc opus erat, ut DEI Verbum seu revelatio eorum, quæ credenda & agenda sunt, fieret nobis sensibiliter. Porro id primitus factum in Nova Lege per Os æterni DEI Filii in humana carne degentis, qui prædicavit quid crediturus operaturusq; Homo, ut vitam consequatur æternam. Et quidem sicut Legem novam prædicavit, ita & scripturam Veterem interpretatus est, ut habetur exempli: Luc: 24. v. 27. *Incipiens à Moyse & omnibus Prophetis, interpretabatur illis in omnibus Scripturas quæ de ipso erant.* Imo & hæc quæ ore paulò obscurius protulisset, deinde explanabat, ut videre est exempli: Luc. 8. *de Semine secus viam, inter spinas &c.*

4. Cum autem voces humanæ sint secundum se indifferentes ad esse Verbi Divini aut merè humani, ut tamen homines, qui eo tempore Christum perorantem audiebant, infallibiliter



libiter scirent, verba ejus, DEI Revelationem esse, adeoq; manifestum haberent, quidnam sibi ex Divina voluntate, necessariò credendum faciendumque esset, voluit DEUS id ipsum evidens reddere per Miracula: Et ideo Salvator ipse protestatur: *Opera, quæ ego facio, Testimonium perhibent de me, quia Pater misit me. Joan. 5. v. 36. Et: Ut autem sciatis, quia Filius hominis habet Potestatem in terra dimittendi peccata, ait paralyti. o, tibi dico surge, tolle grabatum tuum & vade in domum tuam Marci 2. v. 11. Hinc & Nicodemus ad JESUM: Scimus quia à Deo venisti Magister, nemo enim potest hæc signa facere quæ tu facis, nisi fuerit DEUS cum eo: Joan. 3. v. 2.*

5. Post Christi Ascensionem, DEI Revelatio facta est hominibus partim per os Apostolorum, (prædicabant enim DEI Verbum) partim per Scripturam quorundam. Et quidem quæ succinctè & subobscurè à se scripta aut dicta fuerant, clariùs deinde assiduùs Concioni- bus suis, explicabant Apostoli infallibiliter. Imo si quando emergeret controversia, etiam Concilium (prout Act. 15. legimus) instituebant, ut homines eo tempore existentes, certò & absque hæsitacione scirent, quænam credenda sint aut facienda ad salutem. Utq; manifestè sibi constaret, tum scripturam, tum verba Apostolorum, Divinam Revelationem esse, DEUS ipse per Prodigia confirmabat dicta eorum: *Prædicaverunt ubiq; DEO cooperante & Sermonem confirmante sequentibus signis. Inquit Marcus c. 16. v. 20.*

6. Tandem

6. Tandem post Apostolorum tempora, per tot sæcula ad hunc usq; diem, licet DEI Revelatio in Scriptura manserit, necessario tamen dari quoque debent, sicut tunc ita & nunc & semper Viri ejusmodi, qui DEO assistente, infallibiliter nos certificent, tum de ipsa Scriptura, quod & quænam sit DEI Verbum, quisve germanus sensus ejus; tum de omnibus (maximè si aliqua exoriatur controversia) quæ ad vitam obtinendam beatam credenda sunt & facienda. Signa præterea de Cælo, aut Divinas veræ Ecclesiæ notas habere debemus, ut manifestum nobis fiat, præfatorum Virorum certificationes, omnino veras & ex DEI voluntate profectas esse. Quod sic declaro: Si enim verba ipsius Christi Salvatoris, tametsi loqueretur, *Quasi Potestatem habens*, non per se patebant esse Divina! sed per Miracula: *Propter opera ipsa credite*, inquit Dominus, Joan: 14. v. 11. Ergo multò magis idem censendum de Scriptura Apostolorum. Si tunc asscuratio de vero Sententiarum Christi Sensu, communiter non dabatur per Spiritum internum & privatum, sed per publica DEI signa: *Opera, quæ ego facio, Testimonium perhibent de me.* Joan. 5. Qua fronte id modo appingitur Scripturam bonò animò legentibus? Si protunc non obligabat DEUS aliter assentiri ipsiusmet Incarnatæ Sapientiæ dictis, nisi in quantum hæc extrinsecus per Prodigia confirmabantur: *Si opera non fecissem in eis, quæ nemo alius fecit, peccatum non haberent.* Joan. 15. v. 24. Igitur & modò, imo à fortiori, de veritate



veritate Scripturæ, ejusq; genuina Interpretatione Notæ infallibiles, & signa DEO propria habenda, ut credamus. Si primis Christianis præter Scripturam Prophetarum necessarius erat visibilis ejus Interpres, (*Interpretabatur Scripturas*, inquit Lucas de Christo c. 24. ) & DEI per signa extrinseca confirmatio: aliàs enim non potuissent firmam habere Fidem, ut colligitur ex immediatè adductis Testimoniis. Ergo & hodie præter Scripturam Apostolorum, id ipsum requiritur, ut quæ credenda & facienda sunt, certo scire valeamus. Similiter post Christi Ascensionem, si Apostolorum tempore, quamvis hæc ipsa Scriptura, qua nos hodie instructi sumus, & quidem quoad ipsum Originale, jam haberetur, DEUS nihilominus voluit, ut Apostoli etiam ore Verbum suum per universum Orbem prædicarent, seu quod brevi stylo nonnulli exaraverant, tot præterea sermonibus publicis & privatis, explanarent, inculcarent, & exponerent hominibus: Quos deinde *Sermones confirmabat sequentibus signis. Marci 16. v. 20.* Igitur & nobis Infallibiles Scripturæ Interpretes, & Controversiarum Diremptores quorum prædicatio, expositio, ac definitio, manifestè sit vera & Divina, providere debebat.

7. Et ratio horum ulterior est: si enim tunc hujus fuerat necessitas, multò magis successu temporis & modo, ubi tot assurrexere sectarii, qui non subobscuros duntaxat, verum etiam clarissimos Scripturæ Textus, depravare & perversissimè interpretari consueverunt. Profecto  
 si DEUS

si DEUS præfatæ necessitati solum tempore Apostolorum succurrere voluisset, postea verò minimè, sequeretur, eum illius tantum ævi homines, firmos in Fide, atque de iis, quæ ad salutem consequendam credenda & facienda sunt securos, adeoq. vitæ æternæ accommodatos esse; reliquos verò omnes per tot sæcula, dubios, fluctuantes, & in salutis negotio perplexos ac desperabundos relinquere voluisse. Quod quis de communi Patre Misericordiarum sine blasphemia senserit?

8. Sed placet, memoratæ præter sacras Litteras infallibilitatis extrinsecæ necessitatem, adhuc luculentius demonstrare. Ut securi simus, quidnam juxta Scripturam, in ordine ad salutem adipiscendam, oporteat credere & operari & quidè ut securitas hæc sit firmissima, qualem exigit Apostolus: *Licet Angelus de Cælo evangelizet vobis, præterquam quod evangelizavimus anathema sit. Gal. 1. v. 8.* tales dari debent Homines qui nomine DEI nos certificent de ipsa Scriptura. Primò, Quod ab Apostolis & ex instinctu Spiritus S. concinnata sit: quinam libri canonici: quæ versio ex Originali sit recta: quem sensum hi vel illi Textus revera habeant: præsertim ubi & quando exoritur Controversia. Utque Testimonium eorum pateat esse Divinum, dari quoque debent Notæ quædam infallibiles DEO evidenter propriæ, aut signa de Cælo. Unde enim aliàs haberetur securitas? cum DEUS ipse palam & per voces articulatas non loquatur hominibus. Certè non per aliquas ejusdè

Scripturæ

Scripturæ Sententias: de his siquidem eadem, quam immediatè innui, restabit quæstio. Nec per lumen aliquod privatum, merè interiùs assecurativum: tale enim Lumen in ordine ad hunc finem non dari communiter aut promiscuè hominibus, manifestè patet ex tot sectis diversimodè Scripturam & ea quæ credenda sunt, intelligentibus, tametsi omnes protestentur, se eandem bonò animò legere. DEUS autem, qui *Omnes vult ad cognitionem veritatis venire*, 1. Tim. 2. v. 4. omnibus quoq; promiscuè media providere debeat, per quæ certò scire valeant (modo velint) quid sibi credendum aut agendum, ut salvi fiant. Et si tempore Apostolorū non permittebatur populo, regulari Spiritu privato, sed dabantur Doctores Spiritūs S. assistentiā præditi, eorumque prædicatio signis de Cælo confirmabatur. Qua fronte, quo fundamento, qua conscientia, nunc, seclusa hac Infallibilitate extrinseca, tota Fidei securitas interno nescio cui Spiritui (quem & paulò post, palmarè commentum esse luculentius demonstrabimus) attribuitur? Si Paulus nec Angelum, præterea quæ prædicaverat, inspirantem, voluit esse audiendum: (*Licet Angelus de Cælo evangelizet vobis, præterquam quod evangelizavimus, anathema sit. Gal. 1.*) multò minus Spiritum privatum. Restat igitur, DEUM providisse Ecclesiæ suæ, homines Spiritu S. & infallibilibus veritatis signis ac notis instructos, qui nos hac in parte certificent.

9. *Secundò*, Licet complures in sacro Codicè perspicuæ habeantur sententiæ, quia tamen reperiun-



reperiuntur homines ejusmodi, qui etiam clarissimas alienò & perverso sensu interpretantur: Quid enim clarius e. c. quàm illud Mat: 26. v. 26. *Hoc est Corpus meum*:? attamen Lutherus voluit panem hic simul cum Corpore; Calvinus verò non Corpus sed figuram Corporis significari. Aut qui Scripturam per se claram pervicaciter asserunt esse obscuram: Quid enim clarius illis Christi verbis: Mat: 16. v. 18. *Dico tibi, tu es Petrus, & super hanc petram adificabo Ecclesiam meam. Et tibi dabo Claves Regni Cælorum quidquid solveris super Terram &c.*? Attamen moderni Protestantes volunt esse obscura: alii siquidem per Petrum, omnes intelligunt Apostolos, alii omnes fideles; alii per petram, Fidem Petri, alii solum Christum &c. &c. Aut qui cunctos illos Scripturæ locos, quos in suæ opinionis tutamen violentissimè trahunt, & quidem eo sensu, qui ipsis placet ac videtur, volunt esse clarissimos. Sic Ariani existimabant, Textum hunc, *Pater major me est*, Joan: 10. v. 28. quo Christi Divinitati detrahebant, esse prorsus evidentem. Sic Anabaptistæ censent illum: *Qui crediderit & baptisatus fuerit, hic salvus erit.* Marci 16. v. 16. quem contra Baptismum parvulorum detorquent, omnino esse perspicuum. Sic Calviniani arbitrantur nihil illâ Scripturâ esse clarius: *Caro non prodest quidquam* Joan: 6. v. 64. quàm iniquissimè contra realem Corporis Christi in Eucharistia præsentiam, adducere consueverunt &c. &c. Proinde, ne dubii & incerti circa ea quæ Salutis sunt, hæreamus, necesse

cesse est dari homines, qui nos, DEO assistente, etiam hac in parte, videlicet, quænam Scriptura revera sit clara, aut quo sensu clara, certificent. Unde enim aliàs haberetur securitas? Non ab ipsa Scriptura, de hac enim quæritur in præsentì. Non à Spiritu privato, ut ostensum *num: 8.* Non deniq; à proprio uniuscujusque judicio: hoc siquidem per experientiam constat sæpius falli in rebus licèt faciliorib; esseque inter homines diversissimum, ita ut, si hõc præcisè, spretis exterioribus infallibilitatibus nostris, regularemur circa Scripturam, tot propè diversæ darentur in Christianitate Religiones, quot Capita. Addo: Licèt hæc eadem clara Scriptura quâ nunc gloriamur tempore Apostolorum haberetur, tales nihilominus dari debebant, qui præterea Verbum DEI, signis de Cælo confirmantibus, ore prædicarent & exponerent. Ergo & modo.

10. *Tertiò*, Etiam clarissima Sacri Codicis Testimonia, quibus edocemur, quid nos oporteat facere aut credere, ut salutem adipiscamur, magna ex parte Propositiones sunt universales, in quibus quænam particularia contineantur implicite, necessariò enucleandum est. Aliàs enim speculativè duntaxat & in confuso, aliquid de via Salutis loqui, non tamen practicè & determinatè eandem scire valeremus. Exempli causa: Mat. 13. v. 43. *Justi fulgebunt sicut sol in Regno Patris*: licèt perspicuum sit, quòd *Justi* fulgebunt, quia tamen terminus hic *Justi* est universalis, ideo explicandum restat, quid requiratur ad esse *Justi*,

esse Justi, num sola Fides justificet, & qualis? an etiam opera, & quæ, aut qualia? Clarum pariter & illud Marci 16. v. 16. *Qui crediderit & Baptizatus fuerit, salvus erit.* Sed quoniam universale, opus est scire, quidnam credendum? Num sufficiat credere in DEUM unum & Christum? Et, si ita esset, igitur omnes quotquot fuere hæretici, etiam ab ipsis Apostolis anathematizati, Fidem habuissent salvificam. Ubi ergo Fides in Trinitatem Personarum? ubi Fides de Sacramentis, de toto Ecclesiæ Ordine, de obedientia Præpositis ejus exhibenda, de Divina Gratia, de Gloriâ Cælesti & Inferorum pænis &c. En quanta expositione etiam textus ad speciem notissimi indigent! Ut proinde non solum ore sed & opere, credere & operari, quæ oportet, valeamus, indubitatum, nobis esse debet, quid universales Scripturæ Propositiones implicitè complectantur. Ast unde? quæso: Non ex aliis præcisè Scripturæ locis: cum de his quoque simile exoriatur dubium: nec certa inde, notitia quænam particularia, & num sub hoc an illò universali contineantur, haberi possit. Nec per Spiritum privatum, ut vidimus num  
 8 Ergo, ne aliàs Christianus cogatur dubitare de omnibus Sálutem suam concernentibus, tales dari debent, sicut ab initio Ecclesiæ, ita & nunc, qui DEO assistente, idque ipsum signis de Cælo approbante, hac quoq; in parte, infallibiliter nos certificent.

II. *Quartò*, Multa in Sacris Literis reperiuntur subobscura, ut fateri debent Adversarii, præter-



præsertim cum ipse Petrus de Pauli Epistolis testetur dicens: *In quibus sunt quædam difficultates intellectu, quæ indocti & instabiles depravant, sicut & cæteras Scripturas* 2. Petri 3. v. 16. Jam quæro, hæcne sunt DEI Verbum, vel non? Si non, igitur & de reliqua Scriptura licet perspicua quivis merito dubitare posset: non enim ideo aliquid DEI Verbum est, quod sit clarum. Si verò sunt DEI Verbum, Ergo aliunde elucidata credidissent. Cum de universo Evangelio, ac proinde de omnibus tam clarè quàm obscurè nobis exaratis testetur Salvator ipse dicens: *Prædicate Evangelium omni creaturæ, qui crediderit & baptizatus fuerit, salvus erit; qui verò non crediderit, condemnabitur.* Marci 16. v. 16. Et certè lumine rectæ rationis notum est, hunc esse finem Divinæ Revelationis: utquid enim loqueretur DEUS, si non vellet, ut sibi credatur? Hinc & Joannes: *Hæc Scripta sunt ut credatis.* c. 20. v. 31. Si itaque statuit DEUS etiam obscurè revelata credenda & observanda esse, Ergo providere debebat suis Fidelibus Expositores, Interpretes, ac Controversiarum diremptores infallibiles, qui signis de Cælo in ordine ad persuadendum instructi Sententias ejusmodi explanent, clarificent, verumque earum sensum manifestè indigint. Quod ipsum sic evincitur.

12. *imo* Hoc DEUS fecit, censuitq; necessarium esse hominibus tempore Apostolorum, quamvis eadem haberetur Scriptura. Ergo & per succedentia Ecclesiæ suæ Sæcula, & modò: cum eadem, imo major postea, ubi tot Schisma-

ta & Sectæ, tot Scripturæ versiones ac Interpretationes exortæ, sit, fueritque necessitas. Et ideo Salvator noster non Apostolis tantum, sed & Successoribus eorum, in ordine ad docendum Spiritum Sanctum suamque assistentiam appro-  
miserat dicens: *Rogabo Patrem, & alium Paracletum dabit vobis, ut maneat vobiscum in æternum: Spiritum veritatis, ille vos docebit omnia. Joan. 14. v. 16.*  
Et: *Ecce ego vobiscum sum omnibus diebus usque ad consummationem Seculi Mat. 28. v. 20.* Porro id non solum Apostolis dictum, hi siquidem non permansuri erant in terris ad consummationem Sæculi: sed & Successoribus eorum, qui Christi Ecclesiam recturi ac docturi erant postea, juxta illud: *Quos Spiritus S. posuit Episcopos regere Ecclesiam DEI. Act. 20. v. 28.* Nec etiam dictum cunctis Fidelibus: Tum quia, *Non omnes sunt Doctores. 1. Cor. 17. v. 29.* Tum quia præfata Spiritus S. assistentia non dabatur omnibus promiscuè credentibus ab initio, (sed quibusdam Selectis Viris) Ergo nec modò. Tum quia, non dari, ipsa constat experienciâ in tot sectis & dissidentibus circa Fidem Opinionibus Tum quia, licet promiscuè dari soleat hominibus Illustratio superna ad hoc, ut credere valeant prout oportet, ea, quæ credenda sibi proponuntur, non tamen lumen ejusmodi immediatè confertur, quod quid credendum, revelet ac doceat infallibiliter; sed iis duntaxat, qui ad docendum omnes Gentes, à Deo electi sunt. Et ideo Christus ad Apostolos: *Dabit vobis (Pater) Spiritum veritatis, quem mundus non potest accipere Vos autem cognoscen-*

cognoscetis eum, quia apud vos manebit, & in vobis erit. Joan: 14. v. 17.

13. 2do Nullâ alia viâ, in præfenti Providentia, Securitatem de vero memoratæ Scripturæ sensu, nisi per Homines præfato modò infallibiles, assequi possumus. Dicere enim, quòd unus Scripturæ Textus, explanet alterum difficiliorem, est Conscientiam in eadem anxietate & incertitudine relinquere: cùm restet quæstio, quisnam è clarioribus Textibus explicare debeat obscurum? Item cur hic per illum, & non potius ille per hunc exponendus? Utiq; errant Anabaptistæ, quòd locum istum: *Nisi quis renatus fuerit ex aqua & Spiritu S. non potest introire in Regnum DEI.* Joan: 3. v. 5. velint explicare per illum: *Qui crediderit & baptizatus fuerit, hic salvus erit.* Marci 16. v. 16. Et non potius hunc per primum. Nec ad Spiritum privatum recursus fieri potest, hic siquidem figmentum est prorsus ridiculum, ut constat ex dictis num. 8. & 12. cõstabitq; ex dicendis. Ac proinde frustra Libertino-Pietistæ arbitrantur, DEUM non exigere, ut ea quæ subobscurè à Spiritu Sancto dictata sunt determinatè credamus; sed velle, ut bonò animò legamus, expectando donec sibi placuerit, his vel illis Lumen conferre interius allècurativum. Frustra inquam, si enim Divinæ Locutionis sensus multis in locis est ambiguus igitur DEUS providere nobis debebat Doctores ejusmodi, qui certissimè possint, quoties exoritur Controversia, & necessitas exigit, sensum hunc determinare: ut suppositis supponendis, urgen-



te præcepto, (protunc siquidem finis Divinæ locutionis est Fides nostra) credere sicut oportet, valeamus. Privatum autem lumen, nescio quale præstolari velle, est non solum DEUM tentare, verum etiam cunctis sectariis, tametsi sibi oppositissimis, quotquot sunt aut fuere hactenus in Religione Christiana, occasionem præbere arbitrandi & dicendi, se lumine hoc affectuativo jam plenè illustratos esse, & genuinū Scripturæ sensum, de quo antè controvertebatur abunde percepisse: item, est permittere omnibus Libertinis & Syncretistis, ut cuncta sacri codicis testimonia, quantumvis perspicua, quibus sectarios qualescunq; demum, oppugnamus obscura nec necessariò credenda esse, juxta privati Spiritûs sui licentiam, perversissimè proclament.

14. Quintò, Quicunque præter Scripturam sacram, memoratam Infallibilitatem extrinsecam admittere renuunt, hi Religionem Christianam, Judæorum, Mahometanorū, & Ethnicorum ludibrio exponunt. Sic enim nos deriderent: Qua fronte Christiani prædicatis nobis Fidem vestram? qua temeritate decertatis pro ea usque ad Sangvinem? in qua vosmetipsi dubii & perplexi quidnam revera credendum aut faciendum, ut salutem consequamini, fluctuat. Si enim de fundamento Fidei vestræ, nimirum Scriptura sacra, quòd sit DEI Verbum, ejusque instinctu exarata, quinam Libri sint tales, quæ difficiliorum Sententiarum interpretatio certa, securitas haberi nequit infallibilis: igitur

igitur de omnibus dubitandum. Quid hic re-  
 ponerent Novatores? An, (sicut consueverunt  
 dicere) Scripturam ipsam toties de se testari,  
 quod sit DEI Verbum, seque ipsam explanare?  
 Ast de ejusmodi quoque Testimoniis quæritur  
 in præsentî, urgerent Infideles. Num dicerent  
 Scripturam manifestè per se patere, Dei Ver-  
 bum esse? Sed hæc riderent percontantes, Cur  
 igitur nobis non patet? Et si ipsius Christi Præ-  
 dicatio non per se patebat esse Divina, sed si-  
 gnis de Cælo comprobari debuerat, (ut vestrum  
 docet Evangelium nec peccatum habuissent  
 qui non crediderunt Prædicationi ejus nisi Mi-  
 racula fecisset, Joan: 15. v. 24. quomodo po-  
 terit per se esse evidens, quòd Scriptura Disci-  
 pulorum suorum sit Divina? An tandem ad  
 Spiritum privatum recurrerent, asserentes, nos  
 interiùs de Scripturæ veritate ejusque sensu à  
 Deo assecurari? Verùm ad id, plenis buccis,  
 subannando & illudendo Religioni Christianæ  
 exclamarent Infideles: Figmentum est & vana  
 persuasio! Qua ratione vobis credendum, ve-  
 stramque persuasionem, Divinum instinctum  
 esse demonstrabilis. Nobis Spiritus testatur op-  
 positum: & si Christianis licet Spiritu regulari  
 privato; igitur & nobis &c. Et hæc est causa,  
 quod Novatorum Ministri de Conversione Gē-  
 tium minimè sint solliciti, metuunt siquidem,  
 ne prima statim fronte explodantur ab iisdem.  
 Sed cur Salvator noster præcepit suis prædicare  
 Evangelium per universum Mundum? Cur  
 Apostoli eorumque successores, in primitiva &

continuè ad hodiernum usq; diem succedente Ecclesia Catholica, pro Fide vera etiam sanguinem suum fundere non dubitarunt?

15. *Sextò*, Si præter Scripturam non daretur præfata, in Ecclesia Christi infallibilitas, tunc nulla in Orbe terrarum infelicior esset secta quàm Religio Christiana. Quamvis enim Christiani obligentur carni ejusq; affectionib; continuò resistere, passiones edomare, voluptatem fugere, secundum Spiritum operari, Cælestia præponere terrenis, pie ac devotè vivere, non solum amicos sed & inimicos diligere &c. &c. Quamvis præterea teneantur, intellectum suum in obsequium Fidei captivare, & Mysteria captum nostrum longè excedentia, firmissimè credere, ut exempli cau: de Trinitate Personarum in una Natura Divina, de Incarnatione DEI Filii, de Sacramentis, de Resurrectione mortuorum, de æternitate Gloriæ Cælestis & pænarum Inferni &c. &c. Non tamen certi ac securi esse possent de iis quæ sibi credenda & facienda sunt, ut salvi fiant; quidnam revera sit DEI Verbum, aut quis genuinus sensus ejus infallibiliter? Et quotiescunq; de æternæ Salutis aut perpetuæ infelicitatis puncto exoritur Controversia (ut contingit frequentissimè) dubii & anxii, quidnam arripiendum, hærrere, suoq; Spiritu privato aut Judiciò (quod quidam conscientiae ac Fidei libertatem perversè appellant, quodvè in rebus etiam levioribus falli. experienciâ compertum est) niti deberent. Sicne DEUS Fideles Cultores suos derelinque-  
re, &



re, & Religionem Christianam, in bivio anticipi, unde omnes in desperationis barathrum deturbari possunt, collocare voluisset?

16. Verbô, nisi quis nominatenus solùm Christianus videri, revera autem Judæus, vel Mahometanus, vel Ethnicus, aut deniq; atheus esse velit, fateri debet, dari præter Scripturam in Ecclesia Christi, per omnia ejus Sæcula, Viros assistentia Spiritus S. præditos, qui nos, (signis de Cælo, aut aliis manifestis DEI notis sermonem eorum comprobantibus) de ipsa Scriptura quòd sit DEI Verbum, quænam Versio legitima, qui Libri canonici, quis sensus eorum, qui Textus revera clari, qui obscuri, & quomodo intelligendi, quid credendum aut agendum quoties exoritur Controversia? evidenter ac infallibiliter assecurare valeant.

17. Manet tantummodo quæstio, ubinam Viri ejusmodi & signa infallibilitatis defacto reperiuntur? Num in Ecclesia Romana Catholica; an verò in aliqua alia secta ex iis, quæ ab hac Ecclesia dissident? Respondeo itaq; nullibi nisi in Ecclesia Romana Catholica reperiri. Quod ipsum sic demonstro: Certum & indubitatum esse debet, hæc non haberi apud Lutheranos, Calvinianos, Mennistas. Syncrétistas, Libertinos aut Pietistas, (idem à fortiori censendum de quibuscunq; aliis sectis) cùm ipsi met profiteantur, se præter Scripturam, nullam externam infallibilem credendi Regulam, aut visibilem Controversiarum Judicem habere, aut admittere velle. Omnesq; fatentur, Ministros suos, in

suos, in iis, quæ ultra Scripturam proferunt, non esse infallibiles. Imo, tametsi nollent, fateri debent: nullum siquidem hujus infallibilitatis fundamentum, nec ulla vera miracula exhibere, nec ulla extrinsecas veræ Fidei notas, quibus omnino similes non habeat alia quæcunq; sibi opposita secta, monstrare possunt. Infero: Ergo certum & indubitatum est, ejusmodi Viros infallibiles, unà cum evidentibus infallibilitatis Signis ac Notis, in Ecclesia Romana Catholica haberi. Si enim certum est, hæc in Christianitate dari debere, ut Argumentis tam manifestis evicimus: & certum non dari alibi: Ergo proculdubio dantur in hac Ecclesia.

18. Porro memorati Viri sunt Concilia Generalia Episcoporum quale & tempore Apostolorum celebratum est, Act: 15. & Pontifex Romanus, utpote totius Ecclesiæ Rector & Doctor. Isti enim in Ecclesia Catholica, nomine DEI, quid credendum aut faciendum, definire solent, reliquis omnibus (nisi quis hæreticus fieri velit) acceptantibus. Et ideo communiter SS. Patres per tot Sæcula testantur, Conciliorum ejusmodi & Romanorum Pontificum Definitiones, esse infallibiles. Ex: cau: S. Basilii 3ti<sup>o</sup> Christi Sæcul<sup>o</sup> natus, Epist: 28. ait: *Omnibus, qui suspecti sunt de Fide, proponantur Concilii Statuta, unde facile colligetur, sintne hæretici, an Catholici.* Et S. Augustinus circa An: Christi 390. lib. II. c. 2. contra Faustum, sic Pontificem Romanum alloquitur: *Tu es Regula Fidei, quidquid tibi adversatur, veritas non est.* Certè si in Ec-  
clesia

clesia Catholica hi non haberent infallibilitatem, tunc proculdubio nec alii, cum omnes iudicium suum, Doctrinæ eorum submittant. Signa quoque & notæ infallibiles, quod DEUS his assistat, dantur, & quidem adeo manifesta, ut, modo quis non ponat velamen super oculos mentis suæ, pateant omnibus. Aliqua: solum brevitatibus gratiâ profero.

19. *Primum Signum sunt Miracula*, quæ DEUS in Ecclesia Catholica, incessanter tot in locis, ad Fidelium preces, aut per Viros Apostolicos in confirmationem Doctrinæ Catholicæ, & Interpretationis Sacrarum Literarum per Concilia ac Romanos Pontifices fieri solitæ, & quidem complura prorsus manifesta & Orbi nota, patrare consuevit. Quod autem vera Miracula poni nequeant in confirmationem Doctrinæ falsæ, sed per ea DEUS de Religione, in qua fiunt, testetur, quod sit vera, lumine rectæ rationis notum est. Hinc & Nicodemus Joan: 3. v. 2. *Scimus, quia à Deo venisti Magister, nemo enim potest hæc signa facere, quæ tu facis, nisi fuerit DEUS cum eo.*

20. Indubitatum quoque esse debere, patrari defacto ejusmodi Miracula in Ecclesia Romana Catholica, sic declaratur: 1. Fateri cogitur quivis Christianus, quod Christus hæc promiserit suis Fidelibus: *Qui credit in me, Opera quæ ego facio, & ipse faciet, & majora horum faciet. Joan: 14. v. 12.* Ubi igitur sunt? Manifestum, quod non apud Dissidentes. Ergo apud Catholicos. 2. Constat ea dari per experientiam physicam plurimo-



plurimorum, qui prodigiosa DEI Beneficia in tot Ecclesiis percipientes, marmoreis eadem, aut argenteis, aureisq; tabulis exarata, omnium notitiæ proponunt. Constat id ipsum ex communi tot dignissimorum Fide Virorum testimonio: tot Historicorum, quibus in aliis materiis vel ipsi assentiuntur Dissidentes, & ni facerent nullam prorsus Antiquitatis notitiam habere valerent: Tot piissimorum simulq; doctissimorum hominum, in quos nulla fraudis aut erroris cadere potest suspicio: Tot Principum, non Ecclesiasticorum duntaxat, sed & Sæcularium, qui nullam prorsus mentiendi necessitatem habent: & quidem per omnia Christi Sæcula ad hunc usq; diem, unanimi consensu & Relatione. Quod ipsum evidentiam moralem veritatis tantam facit, qua major in humanis haberi nequeat: quam nullus negare potest, nisi temerarius: quæ magis assecurat intellectum quàm experientia physica: (facilius enim de iis, quæ oculis propriis vidimus, dubitamus, num videlicet sensus non fefellerit, quàm quæ tantò nituntur Testimoniò) Quam evidentiam credibilitatis si DEUS in rebus Fidei falli permetteret nulla in Religione Christiana haberemus signa infallibilia: Quam proinde Salvator ipse ad præbendum assensum, sufficientem esse voluerat, inquit ad Thomam: *Quia vidisti me Thomas, credidisti: Beati qui non viderunt & crediderunt. Joan: 20. v. 29.* Certè etiam Christi ipsius & Apostolorum Miracula non omnes illius temporis Fideles oculis spectaverant: verùm aliis ex cõ-

muni tan-

muni tantum prudentium ac piorum hominum relatione patebant. Et ideo arguebat Dominus eos, quia Prodigia sua omnino videre prætendebant: *Nisi Signa & Prodigia videritis non creditis* Joan: 4. v. 48.

21. Altera nota DEO & veritati propria, sunt innumeri pene per omnia Christi Sæcula ad hunc usque diem, Gloriosi in Ecclesia Catholica Martyres, qui Sangvine suo, Sacra Scriptura Interpretationem: & Doctrinam Fidei, quam Ecclesia Catholica per Pontifices Romanos & Concilia, suis tradere consuevit, non cessant comprobare. Et quidem homines ex omni Natione, Statu, ac Conditione: tot Sapientissimi & piissimi Viri, qui, non spe lucri temporalis aut vanæ gloriæ quæstu, sed puro DEI, veritatis, & Salutis Animarum amore permoti, voluntariè relictis Consanguineis & Amicis, Patriâ, Fortunæ & famæ bonis, in illas Mundi Plagas proficiscuntur; ubi ignoti, sine honore, sine commoditate, sine temporali solatio, in extrema degunt egestate; & mille inter labores ac pericula, vitam ducunt morte acerbiorē. Tandemque post diuturna tormenta, eandem, gaudentes quod digni sint habiti pro nomine JESU contumeliam pati, profundunt. Qui non temerè, non ex passione prædominante, sed longa præmissa deliberatione: non coactè aut necessitate compulsi, sed liberrimè; & DEI proximique amore stimulati (juxta illud: *Nemo majorem charitatem habet, quàm qui dat animam suam pro Amicis suis*) ad talia se resolvunt, & in his

tanto

tanto tempore sponte sua perseverant; ac tandem Doctrinam Catholicam, quam prædicant, stupendâ patientiâ, & Sangvine suo consignant.

22. Quis adeo excæcatus, ut non videat, talia, taliq; modo, humanis viribûs fieri non posse? Quis sanæ mentis particellam habens non intelligit, hoc ipsius DEI Opus, & signum de Cælo esse. Possietne DEUS, qui summe bonus, summe misericors est, qui diligentes se diligit, permittere, ut tanta hominum piissimorum multitudo, qui non passione, non cupiditate, non desiderio boni alicujus temporalis, sed sui amore succensi, ad tot sese labores, ad tantas ærumnas & mortes, Ejus causâ resolverunt, in Fide à Salutis tramite aberraret, & Doctrinam falsam Sangvine suo confirmaret?

23. Tertium signum est Imperium in Dæmonia, quod Ecclesia Catholica exercet efficaciter, eadem ex obsessis tum hominum corporibus, tum Domiciliis ejiciendo, ut assiduâ comprobatur Experientiâ. Porro id per DEI potentiam & assistentiam fieri debere, nemo prudens dubitare potest: cum manifestè sit, quòd aliàs Dæmones humanas voces aut vires, parum curarent. Et ideo Christus ipse protestatus est, *se in digito DEI ejicere Dæmonia.* Luc. 11. v. 20. Præter dictas, sunt & aliæ complures Divinæ assistentiæ, adeoq; & infallibilitatis in Ecclesia Catholica Notæ: de quibus succinctè licet satis tamen dilucidè in prioribus Editionibus meis, e. c. *Theologia Controversa. Quis putasset, Siles silebis. Abgenûtzte Fûchtel &c. tractavi.*

24. Obtru-



24. Obtrudunt hic Novatores: Si Ecclesia Catholica infallibilem habet DEI assistentiam, in ordine ad determinanda & definienda ea, quæ credenda ac facienda sunt, ut homo salvus fiat Cur igitur tot inter Theologos Catholicos Controversiæ? Cur tam diversiæ expositiones Scripturæ apud Interpretes? Cur non determinat Ecclesia semel pro semper, quisnam literalis omnium & singulorum Textuum sensus? Respondeo *ad Primum*: Inter Theologos nostros nequaquam de Articulis Fidei Controversiam esse; (in his enim conveniunt omnes: qui autem dissidet, hic jam non ad Catholicos, sed Dissidentes refertur) verum de iis duntaxat, quæ ab Ecclesia nondum definita & determinata, adeoque nec Fide Divina credenda sunt. Quod verò Definitiones suas interdum differat Ecclesia, justis hoc de causis facit, sic interpretando DEI mentem, quæ etiam ipse non statim in Testamento veteri, Mysterium Trinitatis, multaq; alia clarè revelavit, sed idipsum in novam usq; Legem distulit. Sicut & Christus Dominus, ejusq; Apostoli, quæ credenda sunt, non statim simul, sed successivè manifestarunt: ut patet in abrogatione Circumcisionis &c: Hinc & Salvator, Joan. 16. v. 12. *Adhuc multa habeo vobis dicere, sed non potestis portare modò: cum autem venerit Spiritus ille veritatis, docebit vos omnem veritatem.* Gravissimas quoque rationes habet Ecclesia, quòd interdum errores quorundam, non statim feriat anathemate: videlicet, tum, ut ipsimet errantes, cum tempore illuminati, eosdem

eosdem damnent reprobentque; tum ut circumstantiæ, ob quas, si damnerentur publicè, gravis inter homines perturbatio emergeret. in eum impertranseat. Numquid non DEUS ipse *Disimulat peccata hominum propter penitentiam?*

25. *Ad secundum dico:* Apud sacrarum Literarum Interpretes, pariter non esse discrepantiam in iis, quæ ab Ecclesia Catholica definita sunt. Quod verò in expositione nonnullorum Textuum, quinam non convenient, id non credendorum diversitatem, aut tum varietatem doctrinarum moralium, quæ ex eadem Scriptura eruuntur; tum multipliciter sensus etiam literalis, qui per sæpe in uno eodemque Textu continetur, denotat.

26. *Ad tertium repono,* Ecclesiam non explicare ac determinare sensum omnium simul & singularum Scripturæ Sententiarum; sed expectare donec necessitas Spiritualis id exigat. Et quidem 1. ob rationes ad *Primum* datas. 2. Quia complures ambigui Scripturæ Loci, jam antè per Definitiones in simili, sufficienter declarati sunt: igitur explanatione nova, nisi nova & omnino determinanda exoriatur Controversia, opus non est. 3. Catholici hoc non desiderant: Dissidentes verò, sicut nunc expositioni Catholicæ plurimorum Textuum, ita tunc declarationi universæ Scripturæ, refragarentur æque pervicaciter.

27. Sed jam concludo. In Christianitate præter sacrum Volumen, dari debent tum Viri, qui Verbum DEI infallibiliter nobis proponant &

nant & exponant, Fideiꝫ controversias dirimant; tum signa hujus infallibilitatis evidenter Divina: hæc autem in nulla reperiuntur Religione dissidente; ut luculenter hæctenus demonstratum est. Ergo certum & indubitatum manet talia in Romana Catholica Ecclesia haberi. Et per consequens certum, quod memoratæ superius Divinæ veritatis notæ, videlicet, Miracula, Martyria, Potestas in Dæmonia &c: &c. dentur ibidem: certum, quod hæc sufficientissimè valeant assècurare homines, circa ea quæ credenda & agenda sunt ad Salutem. Quæ enim alia?

28. Et hinc patet dilucidè, quàm securus, quàm certus & imperturbabilis esse possit vetus Catholicus de iis quæ sibi ad vitam consequendam æternam necessaria sunt. Si enim quærat ex eo in communi, quid credere & facere debes, ut salvus fias? Respondebit: Quidquid DEUS revelavit & præcepit. Quænam verò defacto revelavit aut præcepit; quodve Revelatio & Verbum ejus, sic & non aliter intelligendum, constat mihi ex Testimonio Ecclesiæ Catholicæ: porro Testimonium ejus à Deo proficisci, adeoque infallibile esse, patet ex tot signis & Notis, DEI assistentiam & Voluntatem indicantibus; sicut & tempore Apostolorum, patebat dicta & Scripta eorū esse DEI Verbū, evidenter.

29. Quodsi quæretur in particulari: Quare tu credis e. c. DEUM esse Trinum in Personis & unum in Essentia? Aut dari Purgatorium? Respondebit: ideo, quia DEUS, qui nec falli nec fallere potest, utrumꝫ revelavit: (cui æqualis in



qualis in omnibus debetur Fides) Primum e. c. Mat: 28. v. 19. *Baptizantes in nomine Patris, & Filii, & Spiritus S.* Et 1. Joan: 5. v. 7. *Tres sunt qui Testimonium dant in Cælo, Pater, Verbum, & Spiritus S. & hi tres unum sunt.* Secundum verò de Purgatorio, e. c. Mat: 5. v. 25. *Esto consentiens Adversario tuo citò, dum es in via, ne fortè in carcerem mittaris: Amen dico tibi, non exibis inde, donec reddas novissimum quadrantem.* Et 2. Macha: e. 12. v. 46. *Sancta & salubris est cogitatio, pro defunctis exorare.* Sed unde tibi, quod hæc Scriptura sit DEI Verbum? hi omnes Libri, quos citasti, sint Canonici? quòd præfati Textus sic intelligendi? Exem: cau: quòd in illo: *Tres sunt qui Testimonium dant &c.* tres Personæ, & non præcisè tria nomina; & quidem tres Personæ consubstantiales, seu ejusdem Substantiæ & Naturæ, intelligi debeant, cum de talibus expressè non fiat mentio in Scriptura? Respondebit: quia Ecclesia Catholica, seu Concilia Generalia unà cum Romano Pontifice id testantur. Ast unde nosti, Ecclesiam hanc errare non posse? Respondebit: id mihi certum est ex eo, quoniam DEUS illam hoc affirmantem, Signis ac Notis sibi propriis (ut superius vidimus) affecit: quibus testatur, eam suo Nomine, & se Authore, talia hominibus annuntiare.

30. En, quàm securi sunt Catholici circa ea, quæ credendâ & faciendâ sunt, ut salvi fiant? Jam videamus, quomodo fluctuent, & nunc hanc nunc illam securitatis tabulam frustra arripientes, in desperationis barathrum abripiantur,

antur, quicumq; rejectâ Petri Naviculâ, in periculolissimo libertatis conscientiae Pelago insolenter natare non erubescunt.

## PUNCTUM SECUNDUM.

*Declarat, nullum Syncretistam, aut Libertino-Pietistam, aut quemcunq; alium Adiaphoristam insistendo opinioni suae, scire, aut scire velle, quænam credere & operari debeat ad consequendam Salutem.*

### S. 1.

*Memoratus in Praefatione Dominus Politicus, Syncretista & Libertino-Pietista (asserens, illa tantum necessario credenda & agenda esse, quæ clarè & expressè in Sacra Scriptura pro Conditione Beatitudinis adipiscendæ statuuntur; reliqua verò etiam ibidem contenta, adiaphora, nec ad vitam æternam necessaria esse) nec scit, nec scire vult, quid credere aut facere debeat, ut salvus fiat.*

Conceptione, Nativitate, vita & morte, de Baptismo & Eucharistia, de Remissione peccatorum, Resurrectione Mortuorum, Inferni pænis &c. &c. circa quæ æquè DEI Verbo debetur Fides, ac circa illa. Ergo Politicus ex pervicacia nec scit nec scire vult, quæ credere debeat.

37. *Demonstratur* 3. Juxta perniciosam opinionem hanc, neq; in SSimam Trinitatem (qua tamen Fide principaliter à Judæis, Turcis, & Ethnicis distingvimur) credendum esset. Omnesq; quotquot fuere unquam in Religione Christiana, hæretici, Ariani, Manichæi, Macedonia-

cedoniani, Nestoriani, Eutychiani, Pelagiani &c: rectè & prout oportet ad Salutem, credidissent: omnes siquidem credebant in DEUM & Christum. Imo, quæcunque cogitabilis, per-versissima licèt hæresis, nullum ad vitam æternam poneret obicem. Omnis siquidem hæresis supponit Fidem in DEUM & Christum: nam qui non credit in DEUM Atheus est non Hæreticus: & qui non credit in Christum, est Judæus, Turca aut Ethnicus, non hæreticus. Porro id admittere, est contra solem loqui, & omnium Sæculorum judicio reluctari. Ergo est & nescire & nolle scire quidnam credendum sit ad Salutem.

38. *Demonstratur* 4. Si ad vitam consequendam sufficit credere in DEUM & Christum, reliqui autem Fidei Articuli non essent necessarij, sequeretur, omnia Concilia & Doctores, etiam primis Ecclesiæ Sæculis errasse, eò quòd memoratas hæreses damnaverint. Errasse omnes SS. Martyres, qui se pro variis Fidei Christianæ veritatibus, ad tormenta gravissima, ipsamque Mortem ab ejusmodi hæreticis sufferendam, resolverant. Errasse Apostolos, qui tantò Zelò & Studiò percuti sunt hæreticos: e. c. errasse Paulum, cùm ad Titum c. 3. scriberet: *Hæreticum hominem evita, sciens, quia subversus est, cùm sit propriò judiciò condemnatus.* Errasse Petrum, 2. Epist. c. 2. dicentem: *In vobis erunt Magistri mendaces, qui introducent sectas perditionis &c:* Imo ipsam æternam Sapientiam (ad quod aures tinniunt) Christum JESUM errasse, quòd nos comonefe-



monefecerit, dicens, Mat: 7. *Attendite vobis & falsis Prophetis, qui venient ad vos in vestimentis ovium intrinsecus autem sunt lupi rapaces.* Et Mat: 24. *Multi falsi Prophetæ surgent, & multas Animas decipient.* Non de Judæis profecto, aut Ethnicis hic sermo est, nam hos, Christiani Nominis hostes esse, manifestè sciebant Fideles: igitur de hæreticis loquitur, qui credunt in Christum, & sub hac Fide, velut Lupi sub pelle ovina, disceperunt alias Fidei veritates. Sed cur cavendi essent, quomodo dicendi lupi rapaces, quomodo deciperent Animas, si sufficeret ad salutem, credere in DEUM ac Christum, quod & ipsi faciunt?

39. *Demonstratur* 5. Hinc sequitur, Christum Dominum non rectè egisse, quòd complura Miracula in confirmationem Articulorum distinctionum à Fide in DEUM & Christum, patraverit. Exem: cau: Marci 2. v. 11. *Ut autem sciatis, quia Filius hominis habet Potestatem in terra dimittendi peccata, ait Paralytico, tibi dico surge, tolle grabatum tuum, & vade in Domum tuam &c.* Ut quid enim Articuli Signis de Cælo confirmandi, quorum Fides non requiritur ad salutem? Ast nemo sanæ mentis talia Christo, ejusque Apostolis & successoribus eorum, imponere potest: Ergo nec dicere, quòd credere in DEUM & Christum ad vitam sufficiat.

40. Opponunt Adversarii, scriptum esse: *Hac est vita æterna, ut cognoscant te solum DEUM verum, & quem misisti JESUM Christum.* Joan: 17.

v. 3. Sed respondeo, neminem ambigere, hæc,

& quidem ante omnia, cognoscenda ac credenda esse. verum non tantum hæc, sed & reliqua à Deo revelata, ut patet ex aliis Scripturæ locis. Numquid non irrestrictè de universo Evangelio dicitur Marci 16. v. 16. *Predicate Evangelium, qui crediderit salvus erit, qui verò non crediderit, condemnabitur?* Altera Domini Politici pars de vita honesta & iis agendis, quæ in Scriptura & sequenti Lectione discutienda. Sit itaque.

## SECTIO SECUNDA.

*Qui dicit sufficere ad vitam æternam, modo quis credat & faciat ea, quæ clarè in scriptura S. pro conditione consequenda salutis ponuntur, aut omittat, quæ ibidè sub interminatione damnationis æternæ prohibentur: reliqua autem contenta in S. Codice acceptet quidè, sed eo sensu, què verū esse existimat; is ex per-  
vicacia nec scit nec scire vult, quid credere & facere debeat, ut sal-  
vus fiat.*

41. Commentum hoc Libertino-Pietisticū, quòd in præsentì expugnandum suscipio, proponit aliquot in locis D. Politicus præsertim pag. 19. num. 23. & p. 23. n. 27. sicut & p. 5. n. 11. 12. 13. 14. 15. Ast falsitas ejus patebit ex rationibus sequentibus manifestè. Itaque.

42. *Demonstratur* 1. Certum & evidens est, non solum illa necessariò credenda & facienda esse, quibus clarè in scriptura talis appromittitur, aut si omittantur, damnatio æterna intimatur: sed

tur: sed plurima quoque alia à Deo revelata ac præcepta, tametsi expresse non addatur: Crede & fac hoc, aut omitte illud, si vis salvus fieri: vel quid simile. Ergo Politicus iste manifestæ veritati resistens, nescit, nec scire vult, quid sibi faciendū aut credendū, ut salvus fiat. Declaratur

31. Prædicto Opusculō, vera & unicè salvifica Religio Dissidentium in Prussia & Polonia &c. nuncupato, quod Politicus quidam Anonymus, Editionibus meis, haud paucis Protestantibus applaudentibus, nuper opposuit, novum videtur, & hætenus inauditum Religionis Systema fabricare. Quod non tantum Religioni Catholicæ, (quæ in Fide vera & integra, atque bonorum Operum exercitio consistit) sed & principali Dissidentium doctrinæ, (quæ postpositis Operibus, soli Fidei Justificationem & salutem tribuit, è diametro refragatur. Toto siquidem scripto quoties in Persona propria loquitur, videlicet à pag: 1. ad 8. & deinde à pag: 17. ad usq; exitum, nec mentionem Fidei fecerat. Sed veram Religionem in hoc præcisè constituit, si quis faciat & omittat, quæ ad salutem consequendam facienda & omittenda præscribuntur. Sic enim loquitur e. c. num: 1. *Vera Religio est id, per quod homo, si istud operetur, damnationem evadit, & eterne Beatitudinis sit particeps. Et numero 2. Veram Religionem habet ille, qui facit quod ipsa faciendum, & omittit quod ipsa omittendum indicat. Et num: 5. Omnino necessi est, ut quis sciat, quæ sit vera Religio, hoc est, quid homo facturus & omittendus sit, ut salvus fiat &c.*



32. His perpensis, sentire possemus, Dominum Politicum, parum curare Fidem Christianam ipsisque Infidelibus, præsertim verò Mahometanis nimis favere. Siquidem & illi dicunt homines omnes in suis sectis & Legibus, sive sint Christiani, sive Judæi, aut Saraceni &c: modò benè vivant, & faciant ea, quæ sibi præscripta sunt, & quæ facienda existimant, ut salvi fiant, salvari posse. Ac proinde atrocissimè persequuntur eos, qui de Fide disputant. Quod ipsum facit & Dominus Politicus, ut patet ex Satyrica sua pag: 19. & 23. in Disputationes ac Editiones Polemicas, veluti de rebus inutilibus, & ad salutem prorsus non necessariis procedentes, Invectione. Suspicionem quoque auget, quòd, cùm Christiani Authores soleant Annum Christi suis præfigere Lucubrationibus, ipse potius *Annum secundum post Executionem Thorunnensem* (ad imitationem eorum, qui Annos ab expugnatione Jerosolimæ, numerant) Opusculo suo opposuerit.

33. Quia tamen sacram novi Testamenti Scripturam tanquam DEI Verbum admittit pag: 20. atque protestatur pag: 22. dicens: *Ego autem loquor de Christianis, non de Ethnicis*: Quoniam præterea, saltem innexo Locorum sacri Codicis Catalogo, aliquot Textus de Fide in DEUM & Christum producit: hinc censeo, virum, nequaquam ita Syncrētizare, ut vel ipsis Ethnicis, Judæis & Mahometanis; sic tamen, ut omnibus Hæreticis, quotquot in Christianitate, etiam primitivā Ecclesiā fuere, salutem appingat sempiternam.

piternam. Et ideo pag: 4. num: 6. ait: *Nemo nisi DEUS potest salvare aut damnare. Unus est Legislator, qui salvare & damnare potest: quis tu es, qui alium judicas?* Jaco. 4. v. 12. Quibus verbis omnia etiam primitivæ Ecclesiæ Concilia, quæ virulentissimos illos hæreticos olim damnarunt (puta sanô sensû, id est, declararunt, eosdem verbo Divino & veritati, adeoq; & salutis suæ æternæ refragari) & consequenter Paulum ipsum hac significatione damnantem, Gal: 5. v. 2. *Si circumcidamini, Christus vobis nihil proderit.* Et ad Tit: 3. v. 10. *Hæreticum hominem post unam & secundam correptionem devota &c: tacitè reprehendit.* Quamobrem concludens sacrarum Sententiarum Catalogum, talem subjungit Synopsis, quæ cunctis favere potest hæreticis, inquit pag: 16. *Salvandi sunt, qui DEO vivunt in Christo JESU.* Rom: 6. *Aut qui DEI voluntatem faciunt* 1 Joan: 2. *Aut qui aliis faciunt, quod sibi fieri volunt* Mat: 7.

34. Verbo, totum commentitiæ Religionis suæ Systema, studiosa perplexitate involutum, in hoc revera consistit: Ut salvus fias, sufficit credere in DEUM & Christum, nec non ea operari, quæ clarè & expressè ad vitam consequendam æternam, requirit Scriptura. Vel, (si fortè per *facere* etiam *credere*, intellexit) quòd sufficiat ad Salutem, si quis ea credat & faciat, aut omittat, quæ expressè sub conditione assequendæ salutis credenda & facienda; aut sub interminatione damnationis æternæ, omittenda proponuntur in Scriptura. Sed utrumque, Deo favente, convellemus in præsentì. SE-

# SECTIO PRIMA

*Qui dicit, ad vitam æternam sufficere, modò quis credat in Deum & Christũ, ac præterea honestè & sine querela vivat, aut faciat, quæ clarè in sacris Literis, ad hanc consequendam præcipiuntur, is ob pervicaciam suam, nec scit, nec scire vult, quid credere & facere debeat, ut salvus fiat: consequenter est extra viam Salutis.*

35. *Demonstratur 1.* Merè pro libito, & absq̃ ullo fundamento, adeoque temerè adstruitur, sufficere ad Salutem, ut quis credat in DEUM & Christum: cùm evidens sit, multò plura in sacris Literis à Deo revelata esse. Quò igitur fundamentò Fides in DEUM & Christum exigitur eodẽ & cætera æquè clarè revelata: & qua fronte dicitur non requiri aliorum Fidem ad Salutem, eadem quis asserere posset, nec Fidem in Christum. Ergo qui fingit talia, is ex mera pertinaciâ nec scit, nec scire vult, quid credere debeat, ut salvus fiat.

36. *Demonstratur 2.* Certum & evidens est, multò plures veritates, præter DEI & Christi existentiam, apertè revelatas esse, e. c. de Spiritu S. de Christo assertum: Totum quidquid in sacris Literis revelatum & præceptum esse constat nobis, obligamur sub amissione æternæ Salutis; credere ac facere, tametsi hujus obligationis mentio non fiat penes singula. Tum quia, ipsummet rectæ rationis lumen cuivis indicat,

dicat, Deo in nulla re, sine gravissima injuria ejus (quæ proculdubio Inferni pœnas promeretur) Fidem negari, aut grave Mandatum suum violari posse. Tum quia in ipsa quoque Scriptura tot dantur Textus perspicui, quibûs jubemur omnia in communi credere & facere quæ DEUS revelavit & mandavit, ut salutem apprehēdamus. Licet igitur non penes singula, vitæ aut interitûs fiat mentio, attamen hæc necessariò credenda atque facienda sunt. Exem: cau: Joan: 5. v. 24. inquit Dominus: *Amen, amen aico vobis, quia qui verbum meum audit, & credit ei, qui me misit, habet vitam æternam.* Et Mat: 19. v 16. *Si vis ad vitam ingredi serva Mandata.* En! omne DEI verbum credendum, omnia servanda Mandata (tametsi singulis salutis aut damnationis conditio non apponitur) ut vitam consequaris sempiternam.

43. *Demonstratur* 2. Non ea duntaxat, quæ per se clarè ac dilucidè, sed & quæ obscuriùs revelata aut præcepta sunt in Scriptura credi & impleri debent: aliunde siquidem elucidari possunt ac solent, sufficientissimè. Ergo nescit D. Politicus, quid sibi agendum, ut salvus fiat. Declaratur assertum: Tum quia, juxta lumen rectæ rationis, quidquid DEUS dicit, & præcipit, hoc credere & facere (licet interim implicite, & mox ubi explanatur, etiam explicitè) tene-mur. Tum quia id ipsum Sacer Codex irrestrictè testatur de omnibus in Christi Evangelio & Doctrina contentis: e. c. Mat: 28. v. 20. *Docete servare omnia, quaecunq; mandavi vobis.* Et Marci 16.

v. 16. *Pre-*



¶. 16. *Prædicate Evangelium &c: qui non crediderit, condemnabitur.* Hinc vel ipse Politicus ( inmemor eorum, quæ antè dixerat, inquit pag: 11. *Damnantur, qui non credunt Evangelio. Marci. 16.*

44. Sed quomodo nos obligare potest DEUS ( reponit Politicus ) ad ea credenda aut facienda determinatè, quorum sensus in sacris Literis est ambiguus? Respondeo: obligat ad ea, quæ tametsi per se non sint clara, clarificantur tamen per infallibiles scripturæ Interpretes & Judices Controversiarum. Quos dari in Ecclesia Christi, & acceptari debere; imò ideo multa in Scriptura obscurius à Spiritu S. inspirata fuisse, ut ad illos recursus fiat, ( cum sine iis nequidem de ipsa Scriptura, quod sit DEI verbū, infallibilitas haberi queat ) Puncto primò à num 6. plus quàm satis evicimus. Ut quid enim obscura ex instinctu Spiritūs S. scripsissent Apostoli, si nobis Interpretes, infallibili assistentia DEI præditi, dandi non fecissent? Hæc profecto ad sola fundanda jurgia & dissidia prodesse.

45. Exclamat quidem hinc D. Politicus pag: 18. dicens: *Scripturam sacram claritate omnia Concilia & Bullas Pontificias longè excedere, ita ut ista in comparatione illius nihil nisi tenebræ sint &c.* Sed in vanum: Nam ex passione loquitur, & manifestè indicat, se Conciliorum Decreta & Pontificum Bullas aut prorsus non legisse, aut obiter tantum & perfunctoriè libasse. In his siquidem, quidquid credendum est, ita clarè exponitur, ut nemo nisi insolenter dubitare queat. Verum etsi dubium emergeret, hoc deponeretur facilimè, cum

limè, cùm habeamus, quem possimus consule-  
re, Romanum videlicet Pontificem. Deinde i-  
psemet Politicus pag: 5. fatetur: *Multa in scriptu-  
ra non esse clara, nec eorum sensum ab omnibus perci-  
pi posse.* Pag verò 12. parum memor eorum, quæ  
dixerat, vult scripturam clarissimam, & cunctis  
perceptibilem esse.

46. *Demonstratur 3. D. Politicus* in sue Cre-  
dendorum Regeſtro adducit Scripturæ Textus  
etiam obscuros, & ambiguum sensum præferen-  
tes; quos tamen arbitratur esse perspicuos. Er-  
go nescit, aut potius stimulante pertinacia, non  
vult scire, quid revera credendum ac facien-  
dum sit. Exemp: causâ, salvi fiunt (inquit ille)  
*Qui abnegat semetipsum. Mat 16. v. 24. Qui rever-  
tuntur, & fiunt sicut parvuli. Mat: 18. v. 3. Qui spe-  
ctant ad virgines prudentes. Mat: 25. v. 10. Servi boni  
& fideles, qui concreditò sibi Talentò fenerati sunt  
&c: Mat: 25. v. 23. Qui seminat in Spiritu. Gal: 6.  
v. 8. Qui sanctificantur per Fidem in Christum. Act:  
26. v. 18. Damnandi verò sunt e. c. Zizania Mat  
13. v. 30. id est, Filii nequitia. v. 38. Qui vitam suam  
servare vult. Mat: 16. v. 25. Inimici Crucis, quorum  
DEUS venter est. Philip: 3. v. 18. Qui amat Mundum  
& quidquid in Mundo est. 1. Joan: 2. v. 19. &c: &c.*

47. Hæc & similia à D. Politico inducta,  
multa explicatione indigent, & quidem evidē-  
ter certa, ne aliàs in confuso tantum aliquid de  
Fide & bonis operibus, àerem verberando, lo-  
quamur, sed verè ac certò sciamus, quid cre-  
dere, quid operari debeat homo, ut vitam asse-  
quatur sempiternam. Quid, quæso, est, *Abne-  
gare semet-*

*gare semetipsum?* Num hîc illi quoq; denotantur, qui relictis Mundi curis vitam ducunt Monasticam? Quid est, *fieri sicut Parvuli*? An in simplicitate ac humilitate Christiana iudicium proprium, iudicio Ecclesiæ Catholicæ submitendum? Quid est, *spectare ad Virgines prudentes*? Quid defectus olei significat? Quid est *fenerari*? Licetne Christianis usuram exercere? Quid *seminare in Spiritu*? Quid *sanctificari per Fidem*? An per solam? Et, si sola sanctificat, cur adiecit Politicus pag. 14. *Damnandus est, qui Fidem habet sine operibus.* Jac. 2. v. 14 Quid sunt *Zizania & Filii nequitie*? Num hæretici? num Syncretistæ? aut Pietistæ? Quomodo damnandus ille, *Qui vitam suam vult servare*? aut *Qui amat ea, quæ in Mundo sunt*? Numquid non tenemur servare vitam, amare Proximum, etiam inimicum? Quid est *ventrem pro DEO habere*? Num idem, quod *Jejunia Ecclesiastica non observare*? Verbô D. Politicus existimans, Testimonia illa Scripturæ quæ magna expositione indigent, esse clarissima, scit quidem speculativè sermocinari de rebus Fidei, nequaquam tamen credere aut operari prout oportet.

48. *Demonstratur* 4. Textus quoq; claros in medium producit, verum eosdem pro libito suo perversè & obscurissimè exponit. Ergo non vult scire, quid credendum & faciendum sit, ut salvus fiat. Exem: cau: pag 9 illud Mat: 10. v. 39. *Qui perdiderit Animam suam propter me, inveniet eam; Et: qui invenit Animam suam, perdit eam.* Ubi Christus manifestè de vita pro Nomine suo danda, dum

da, dum id Spiritualis exigit necessitas, loquitur: Sic interpretatur ille: *Qui in proprietate vivit, damnabitur, qui non vivit in proprietate salvabitur.* Quid est hoc? En! quàm obscurè & perversè exponit etiam clarissima?

49. *Demonstratur* 5. Adducit præterea Sententias manifestas quidem, sed universales: (qualibûs magna ex parte referta est Scriptura) quænam verò particularia sub terminis comprehendantur universalibus, non adducit, nec certò scire potest, nisi recursum ad eos faciat, quibus hac in parte, Spiritûs S. infallibilitas appromissa & concessa est. Certè, quoniam actiones nostræ circa singularia versantur, nemo operari poterit, quæ oportet, nisi securus sit, quidnam sub universalibus Scripturæ Propositionibus contineatur.

50. Res pateat in Exemplo. Afferit D. Politicus in suo faciendorum ad vitam æternam Regestro, complura ejusmodi: e. c. *Prædicare Evangelium, qui crediderit & Baptizatus fuerit, salvus vit.* Marci 16. v. 16. Porro sub universali Prædicationis Evangelicæ termino continetur verbum DEI tam illud, quod Apostoli scripserunt calamo, quàm quod ore prædicârunt, nobisq; tradiderunt, ac proinde Traditio Apostolica nuncupatur. Igitur credendæ quoque & acceptandæ sunt Traditiones Apostolicæ: ut faciunt Catholici. Idem censendum de illa Sententia: *Salvandi, qui Verbum DEI audiunt & custodiunt.* Luc: 11. v. 28. aliisq; similibus. Salvandi sunt, (inquit ille) *qui penitentiam agunt, & ad DEUM convertuntur,*



tuntur, & vera Pœnitentiæ opera faciunt. Act: 26. v. 20. Ast pœnitentia & vera pœnitentiæ opera, termini sunt universales. Continent autem sub se, tum dolorem supernaturalem de peccatis commissis, atque propositum sincerum de non committendis; tum Confessionem veram delictorum, & Absolutionem à vero Presbytero (cui Potestàs hæc ritè, prout olim Apostolis: *Accipite Spiritum S. quorum remisseritis peccata, remittuntur eis &c.* Joan: 20. v. 22. Collata est) impertiendam. Præterea tenetur Pœnitens occasionem peccandi vitare proximam, consuetudines frangere pravas, injustè accepta restituere, damna resarcire &c. *Salvandi dicuntur Pauperes Spiritu Mat 5.* Verùm hîc comprehenduntur & illi, qui abdicatis per vota Religiosa Mundi hujus Bonis, paupertatem, ut liberiùs DEO vacare possint, amplectuntur voluntariam. *Salvandi justi: & qui in patientia per bona opera vitam quærunt æternam. Rom. 2.* Quæ verba, innumera denotant etiam bona opera ejusmodi, qualia Syncretistæ & Pietistæ detestantur. *Salvandi, qui manducant Christi Carnem, & hîbunt ejus Sanguinem. Joan: 6. v. 54.* Ast ut hoc agere valeant homines, veros & Potestate consecrandi præditos, habere debent Presbyteros. Tenentur quoq; credere, verè & realiter adesse Corpus Christi ac Sanguinem in Eucharistia. *Damnandi, qui sunt ex contentione, & non acquiescunt veritati, credunt autem iniquitati. Rom: 2. v. 8.* Sed tales sunt, qui Veritati Religionis Catholicæ, tam luculenter, tam dilucidè sibi propositæ, refragantur pervicaciter. *Damnandi, qui post acce-*

post acceptam notitiam veritatis, voluntariè peccant. Hebræ. 10. v. 26. Verùm sub his terminis universalibus potissimum censendi sunt contineri, qui post acceptam in tot Editionibus nostris, veritatis Catholicæ notitiam, licèt Lutherò aut Calvinò jam non tantopere adhærescant, novum nihilominus ex mera pertinacia committunt peccatum: dum Syncretistas aut Libertino-Pietistas agere, quàm ad Ecclesiæ Catholicæ Gremium redire, præeligunt.

51. Verbò, D. Politicus nescit ea, quæ in universalibus Scripturæ locis, à se citatis, continentur: (certa siquidem horum notitia, nulli, nisi in Ecclesia Catholica haberi potest, ut constat ex Puncto primo: & licèt ipse hos, aliosque similes Textus interpretaretur, fateri deberet, expositionem suam non esse infallibilem) Ergo, insistendo opinioni suæ, nec scit certò, nec scire vult, quidnam credendum aut faciendum, ut salvus fiat.

52. Demonstratur 6. Consultò quoq; omisit, Textus Scripturæ hujusmodi, Catalogo suo annectere, ex quibus facilè colligere posset, omnia sibi reliqua quæ observant Catholici, observanda esse, ut salvus fiat. Igitur quid facere debeat ad Salutem, scire non vult. Exem: cau: Testimonium illud, Mat: 18. v. 17. Si non audierit Ecclesiam, sit tibi sicut Ethnicus & publicanus. Et ad Hebræ: 13. v. 7. 17. Mementota Præpositorum vestrorum, qui vobis locuti sunt verbum DEI: quorum intuentes exitum conversationis, imitamini Fidem Obediente Præpositis vestris, & subjacete eis, ipsi enim vigilant, quasi ratio-

*quasi rationem reddituri pro Animabus vestris. Et v. g. Doctrinis variis & peregrinis nolite abduci. Et Rom. 13. v. 2. Qui resistit Potestati, DEI ordinationi resistit: qui autem resistunt, ipsi sibi damnationem acquirunt.* Unde liquet, Lutherum cum suis Aſſeclis, obligatum fuisse, audire Ecclesiam Catholicam, ejusque Præpositis & Mandatis (quibus resistit) subesse, eorum imitari Fidem; atq; Interpretationi Scripturarum, judicium submittere, nec doctrinis peregrini abduci debuisse &c: Consequenter & tota Multitudo, quæ Lutherum secuta, omnesq; Sectæ, quotquot exinde emerſerunt, tenentur id facere, & Ecclesiæ Catholicæ in omnibus obedire, ac proinde ad eam reverti, ut salvæ fiant.

53. *Demonstratur 7. D. Politicus* toto Systemate suo, eò collimat, ut Articulos omnes, de quibus Catholicos inter & Protestantés agitur Controversia, persvadeat esse accidentales nec omnino credendos, ut quis salutem consequatur sempiternam. Ac proinde, cuncta scripturæ Testimonia, quæ adversus Dissidentes proferimus, statuit merè pro libitu, obscura esse & ambigua. Porro id apertè falsum esse, adeoque Virum hunc scire nolle, quid credere debeat, sic declaro. Quo fundamentò? aut qua fronte, obscurus dicitur Locus ille: *Rogabo Patrem, & dabit vobis Spiritum veritatis, qui maneat vobiscum in æternum. Joan. 14. v. 16. Et Ecce ego vobiscum sum omnibus diebus usque ad consummationem Seculi. Mat. 28. v. 20.* Unde probamus, etiam post Apostolorum tempora, Scripturæ Interpretes

pretes assistentiâ DEI præditos, & infallibilem  
 Controversiarum Judicem, dari semper in Ec-  
 clesia. Aut ille: *Itaq; Fratres, scate, & tenete Tra-*  
*ditiones, quas didicistis sive per sermonem, sive per E-*  
*pistolam nostram.* 2. Thesi: 2. v. 15. Quô Traditio-  
 nes Apostolicas, adeoque totum Ecclesiæ Ca-  
 tholicæ Ordinem, observandum esse indigita-  
 mus. Aut ille: *Tu es Petrus, & super hanc Petram*  
*edificabo Ecclesiam meam. Et tibi dabo claves Regni*  
*Calorum, quidquid solveris super terram, erit solu-*  
*tum & in Cælis.* Mat: 16. v. 18. 19. Quô, Petro, (&  
 consequenter Successoribus suis Romanis Pon-  
 tificibus) universale Ecclesiæ Regimen traditum  
 esse ostendimus. Aut ille: *Hoc est Corpus meum*  
*quod pro vobis tradetur.* Luc: 22. v. 10. Quô in Eu-  
 charistia realem Christi præsentiam absque im-  
 panatione, demonstramus. Aut ille: *Accipite*  
*Spiritum S. quorum remisistis peccata, remittuntur*  
*eis &c.* Joan: 20. v. 22. Et de Cæna ultima: *Hoc*  
*facite in meam commemorationem.* Luc: 22. v. 10. Quô,  
 Potestatem Presbyteralem, non toti Fidelium  
 cætui, sed selectis duntaxat viris concessam ef-  
 se, evincimus. Aut ille: *Esto consentiens Adver-*  
*sario tuo citò dum es in via, ne fortè in carcerem*  
*mittaris: Amen dico tibi non exibis inde, donec reddas*  
*novissimum quadrantem.* Mat: 5. v. 25. Quô Purga-  
 torii pænas manifestamus. Aut ille de Jacobo  
 moriente: *Angelus qui eruit me de cunctis malis, be-*  
*nedicat pueris istis, & invocetur super eos Nomen me-*  
*um, Nomina quoque Patrum meorum, Abraham &*  
*Isaac, ut crescant in multitudinem.* Gen: 48. v. 15.  
 Quô invocationem Sanctorum promovemus.



54. Quâ inquam fronte, quo fundamento, hæc & innumera similia, obscura & controversa, adeoque non necessariò credenda sunt? Num quòd Novatores, aliter ea explicando, moveant Controversiam? Sed hæc ratio est nulla: Si enim Scriptura per hoc evaderet obscura & ambigua, quòd ab hac vel illa Scissione, diversimodè exponatur, sequeretur, nullum sacri Codicis Locum esse clarum: cùm nullus fere sit, quem non secta aliqua, perversè interpretando, pro sua opinione detorsisset. Quin imò de toto dubitandum esset Evangelio, cùm etiam istud à Manichæis & Alogianis fuerit olim oppugnatum. An quia nonnulli Textus ab ipsimet Catholicis multifariam exponuntur Interpretibus? Ast dictum jam superiùs, id in Sententiis per se clavis, ideo fieri, tum quòd persæpe idem numerò Textus sacer, multiplicem sensum Literalem, absq; ulla contradictione habeat: tum quòd complures doctrinæ morales ex eodem eruantur. Tum quia certæ voces non requiruntur in memoratis Scripturæ Locis, e. c. *Primatus, Transubstantiatio, Purgatorium* &c: Verùm homo prudens non de vocè, sed de re agit in præsentia. Et his perpensis, si Politicus præfatam veritatem Catholicam nondum agnosceat, saltem de claritate Textuum, quos adduximus, dubitare cogitur. Ergo denuo nescit, & dum suo errori adhæret obstinatè, non vult scire, quid faciendum ut salvus fiat.

55. *Demonstratur* 8. Si hæc duntaxat credenda & agenda sunt, quæ clarè & expressè sacris

Literis

Literis exarata habentur: Ergo non requiritur ad salutem, credere DEUM unum in Natura & Trinum in Personis esse; aut Filium DEI esse ejusdem numerò Substantiæ cum Patre, seu consubstantialem Patri: hi siquidem termini, *natura, Substantia, Persona, consubstantialis* &c. ubi de Deo agitur non reperiuntur expressè in Scriptura. Atqui hoc nullus verus Christianus admittere potest: cum manifestus sit Arianismus qui ex Ditionibus Regni Poloniæ sub pœna capitis proscriptus est. Qua igitur fronte Politicus errorem suum, in ipso Opusculi frontispicio, *Veram & unicè salvificam Christianam Religionem in Polonia & Prussia*, appellare non veretur? Verbò, scire non vult, quid credere aut facere debeat.

§. 2.

*Qui dicit, satis esse ad Salutem, modò quis credat Articulos in Symbolo, Apostolorum contentos; reliqua autem esse adiaphora, & Scholasticorum concertationibus relinquenda, à nec scit nec scire vult, quid credere aut facere debeat ut salvus fiat.*

§6. *Demonstratur i. Hoc arbitrariè & absq̃ ullo persuasivo fundamento, merè pro libito, adeoque temerè adstruitur. Quocunque enim fundamento evincitur, Articulos Symbolò Apostolicò comprehensos, necessariò credendos esse, eodem demonstratur, multa præterea alia, c. de Sacramentis, ut Baptismo, Eucharistia &c. &c. credi debere. Et qua temeritate, hæc*

*Da*

*à necessi-*

à necessitate credendi excluduntur, eâdem & illa excludi possent. Igitur qui id dicit, nec scit nec scire vult quid revera credendū, ut salvus fiat.

57. *Demonstratur* 2. Manifestum est credi debere, quod Scripturâ sacra sit DEI Verbum: hæc siquidem reliquorum credendorum fundamentum est. Porro nihil de S. Scriptura in Symbolo Apostolorum, imo nec ipsum Symbolū, prout sonat, expressè habetur in Scriptura. Ergo &c.

58. *Demonstratur* 3. Certum & evidens est, multas præterea veritates, quæ vel prorsus non exprimuntur, vel non clarè in Symbolo hoc, credendas esse, ut de Baptismo & Eucharistia, de Retributione bonorum, & pœna malorum operum, de Ecclesia audienda &c: &c: Siquidem hæc pariter revelatæ & præceptæ sunt à Deo, cui in nulla materia, absque injuria ejus gravissima, Fides negari potest. Ergo, qui oppositum dicit, obstinatè nescit, aut scire non vult quid credere aut agere debeat, ut salvus fiat.

59. *Demonstratur* 4. Indubitatum, nec ab ullo Christiano prudenter negabile est id, quod Christus Dominus disertè enuntiavit, quod Apostoli docuerunt, quod omnes Ecclesiæ etiam Primitivæ Doctores, omnia Concilia statuerunt, in quo vel ipsi Sectarii cum Ecclesia Catholica conveniunt. Atqui omnes hi enuntiârunt & docuerunt, præter Symbolum Apostolorum, alia quoque credenda esse ab eo, qui vult salvus fieri. Christus enim ait: *Euntes docete omnes Gentes, baptizantes eos in Nomine Patris & Filii & Spiritus S. docentes eos servare omnia: quaecunque manda-*  
vi vobis.

vi vobis. Mat: 28. v. 19. 20. En! omnia, quæ man-  
davit Dominus, quæ Apostoli prædicarunt, &  
non tantum quæ in Symbolo habentur, obser-  
vanda, adeoque & credenda sunt. Et iterum:  
*Qui solverit unum de Mandatis istis minimis, minimus*  
*vocabitur in Regno Cælorum.* Mat: 5. Porro mini-  
mus in præsentem idem est, ac indignus Regnò  
Cælorum. Hinc vel ipse Politicus noster pag: 8.  
damnandum illum asserit, *Qui solverit unum de*  
*Mandatis istis minimis, & sic docuerit homines.* Por-  
ro Mandata DEI non solum de iis dantur, quæ  
facienda, sed & quæ credenda, sunt. Plus igi-  
tur credendum, quàm habetur in Symbolo.

60. Similiter docent Apostoli: Exem: cau:  
S. Paulus contra Galatas, qui Symbolum Apo-  
stolorum acceptaverunt, Sententiam æternæ  
Damnationis pronuntiat, si præterea Doctrinam  
de abrogatione Circumcisionis, (de qua nihil  
in Symbolo) non reciperent, inquit: *Quo-*  
*niam si circumcidamini, Christus vobis nihil proderit.*  
Gal: 1. Et S. Jacobus c. 2. inquit: *Qui in uno de-*  
*linquit, factus est omnium reus.* Ergo etiam si quis  
contenta in Symbolo, credat, si tamen vel u-  
num præterea, quod sibi constat revelatum aut  
præceptum esse, credere aut facere nolit, reus  
est pænæ æternæ.

61. Idem professi sunt semper omnes etiam  
antiquissimi Doctores. Exem: cau: Augustinus  
contra Faustum lib: 13 c. 3. ait: *Qui in Evangelio*  
*quod vultis creditis, quod vultis non creditis, vobis po-*  
*tius quàm Evangelio creditis.* Et Athanasius in suo  
Symbolo docet: *Quicumque vult salvus esse, ante.*



omnia opus est, ut teneat Catholicam Fidem, quam nisi quisq; integram, inviolatamq; servaverit, absq; dubio in aeternum peribit. Quamvis autem ipse in Symbolo hoc Fidem Catholicam non adæquatè integram descripserit, sed tantum duntaxat, quantum protunc contra Arianos exprimendum requirebatur, plura nihilominus in isto, quam in Apostolorum Symbolo reperiuntur. Exem: cau: Unam esse DEI Naturam, tres autem Personas, equalis gloria, & coeternæ Majestatis, ejusdem Omnipotentia, immensitatis, æternitatis &c: Filium esse à Patre genitum ab æterno, non creatum. Christum esse perfectum DEUM & perfectum Hominem ex Anima rationali & humana Carne subsistentem: Unum, non confusione Substantiæ, sed unitate Persona. Qui bona egerunt inbunt in Vitam æternam, qui verò mala in ignem æternum. Idem statuerunt & Concilia antiquissima, quæ tot Hæreses eò quòd præter Symbolum Apostolorum, aliis Veritatibus à Deo revelatis acquiescere noluerint pervicaciter, Anathemate percussère. E. c. Pelagianos, qui necessitatem Divinæ Gratiæ internæ, & peccatum Originale negabant: Nestorianos, qui duas in Christo Personas adstruebant: Macedonianos, qui Spiritum Sanctum, minorem esse Filio, volebant: Novatianos, qui lapsos, ad pœnitentiam admittere recusabant: &c: &c.

62. Tandem vel ipsi, quotquot fuère Sectarii, graves semper motus de iis excitabant, quæ hoc Symbolo clarè exarata non habentur. Quæ non agitata sunt Lutheranos inter & Calvinistas? Puritanos & Protestantes ac Indifferentes in Anglia?

Anglia? Inter Armenianos & Gomarî rigidi Calvinistæ sequaces in Batavia? Alibi inter Confessionistas & Pietistas? tametsi omnes admittant Symbolum Apostolorum. Ipsi quoque Syncretistæ ac Libertini (ut sperandum) refragentur illis, quæ e. c. Infernum non omnibus impenitentibus constitutum esse, (quamvis Symbolum crederent) aut Dæmones aliquando ad Cælestem Gloriam perventuros, cum Mahometanis assererent. Falsitas igitur plus quam palmaris est, Fidem & professionem Symboli Apostolici ad Salutem consequendam sufficere.

63. Ast obtrudunt Syncretistæ: Numquid non reperiuntur inter Christianos, homines ejusmodi, qui præter Symbolum plura credenda nec sciunt, nec percipiunt? Hinc omnes damnandi? Respondeo: Quicumque rudis, alia præter memoratum Symbolum credenda, invincibiliter ignorat; si tamen ea non rejiciat pervicaciter, sed ita dispositus sit, ut libens etiam hæc crederet, modo sufficienter proponantur sibi esse revelata; interim autem credat universaliter omnia reliqua, quaecumque DEUS revelavit, & per Ecclesiam suam credenda proposuit, salvari potest. Nam homo talis assentitur DEO in omnibus, videlicet explicitè in iis, quæ, constat sibi revelata esse; implicitè in reliquis. Verùm Syncretista aut Libertino-Pietista, qui privato judicio & Spiritui suo adhærens, præter Symboli contenta, alia credere non vult, eò quòd existimet, res minoris momenti esse; quamvis sibi constet, sive ex Scriptura, sive ex

Eccl esia

Ecclesiæ Catholicæ Testimonio (quod ipsum omnibus ritè se reflectentibus, tot Notæ & Signa de Cælo manifestant, esse Divinum) quod sufficienter sint revelata: Aut qui dubitat, sinè credenda an non? nec tamen sedulò inquirat Veritatem; sed voluntariè, tum ex libidine refragandi Ecclesiæ Catholicæ, tum ex aliis rationibus politicis, manet in hoc dubio, is salvari nequit. Et ratio est: quia DEI Revelacionem & Testimonium contempnit.

S. 3.

*Qui dicit, sufficere, ad Salutem, modò quis ea credat, in quibus hæ tres Religiones, Catholica, Lutherana & Calviniana conveniunt, cætera verò esse Scholastica, nec scit, nec scire vult, quanam credenda sint, ut salvus fiat.*

64. *Demonstratur* 1. Homo talis Fidem Christianam, suamque Salutem arbitrio, ac judicio suo fallibili, nullòque fundamentò nixò petulanter committit. Qua enim ratione necessario credenda sunt, in quibus Lutherani & Calviniani adstipulantur Catholicis, eadem & illa, in quibus pertinaciter refragantur: cum omnia tum sacris Literis, tum infallibili, circa Scripturæ veritatem ejusque sensum, Ecclesiæ Catholicæ Judiciò nitantur. Et quo ausu illud adstruitur, eodem quis dicere posset, ea duntaxat credenda, esse, in quibus non solum Lutherani & Calvinistæ, verum & Mennistæ ac Ariani, immò omnes, quotquot fuere Sectæ cum Ecclesia Catholica

tholica conveniunt. Igitur hic nescit, & quia obstinatus est, nec scire vult, quid credere debeat, ut salvus fiat.

65. *Demonstratur 2.* Non per hoc Ecclesiæ Catholicæ Articuli, quod pernegentur aut in Controversiam vocentur à Protestantibus, desinunt esse necessarii ad Salutem. Nam aliás, nec Articuli de Sanctissima Trinitate, & vera Christi Divinitate, &c. necessariò credendi forent, cum pariter ab Arianis, (qui & Scripturam, & Spiritum ac judicium privatum, & multitudinem sequacium, æquè, immò magis quàm moderni Dissidentes, jactabant) fuerint impugnati Nec ideo sacri Textus, quos Novatoribus opponimus, redduntur incerti, dubii aut obscuri, quoniam aliter explicantur, aut negantur esse Canonici, ab iisdem sicut neque illi censendi sunt esse tales, quibûs Mysterium Trinitatis ac Incarnationis comprobamus, propterea, quòd diversam acceperint interpretationem ab Arianis. Numquid ideo novi Testamenti Scriptura in dubium revocanda, quòd Faustus Manichæus cum suis (ut testatur S. Augustinus lib: 32. contra Faustum c. 2.) voluerit 4. novæ Legis Evangelia multis scatere erroribus, nec fuisse ab Apostolis conscripta? Aut quòd Alogiani (teste S. Epiphanio hæresi 51.) tres tantum Evangelistas, Mathæum, Marcum & Lucam, repudiato Joannè, admiserint? Aut quòd Lutherus in præfatione ante novum Testamentum dicat, Evangelium Joannis unicum esse purum, verum, ac principale Evangelium, aliis tribus  
longè



longè latèque præferendum? Igitur nec Articuli Fidei Catholicæ desinunt esse necessarii ad Salutem; nec Scripturæ quibûs comprobantur evadunt incertæ, per hoc quod oppugnentur, & sensu diverso exponantur à Dissidentibus.

66. *Demonstratur* 3. Multos Fidei nostræ Articulos rejiciunt Protestantes, pro quibus defendendis, æquè claras, imo clariores adducimus Scripturas, quàm pro iis, quos nobiscum profitentur. Quomodo igitur non necessariò credendi? Certè quotquot afferri possunt Textus pro Mysterio Trinitatis & Incarnationis, non ita sunt perspicui, sicut e. c. iste: *Hoc est Corpus meum. Mat: 26. v. 26.* Quo vera & realis præsentia Corporis Christi contra Calvinistas, & Transubstantiatio contra Lutheranos demonstratur. Aut ille: *Si vis ad Vitam ingredi, serva Mandata Mat: 19. v. 17* Quo necessitas bonorum Operû; Aut ille: *Unusquisque propriam mercedem secundum laborem suum accipiet. 1. Cor: 3. v. 8.* Quo præmium bonorum Operum; Aut ille: *Si omnem Fidem habuero, ita ut montes transferam, Charitatem autem non habuero, nihil sum. 1. Cor: 13. v. 2.* Quo, non solum Fidem justificare, contra eosdem evincitur. Vide plura hac de re Num: 53. & 54. Si itaque Articuli, quibus dissentiunt Protestantes, clarissimîs Scripturæ Testimoniis comprobantur, quomodo non necessariò credendi?

67. *Demonstratur* 4. Manifestum est, ipsammet Scripturam, S. qua Fides Christiana nitur, credendam esse. Ast circa hanc discrepant Lutherani ac Calviniani, tam a nobis quàm inter se:

ter se: Videlicet in acceptandis Libris Canonici-  
cis, in versione ex Originali, in expositione &  
interpretatione Sententiarum, in assignatione  
Textuum clarorum, ( quos enim volunt, dicunt  
esse clarissimos, quos nolunt, ambiguos ) in de-  
terminatione, hicne Scripturæ locus per illum,  
an ille per hunc sit explanandus &c: Ut abunde  
liquet ex nuperno Tractatu de Presbyterio,  
*Conclusio Theologica*, nuncupato.

68. *Demonstratur* 5. Contenta Symboli Apo-  
stolici proculdubio essentialia sunt Fidei: & ta-  
men in his quoque discrepant Protestantes tam  
à nobis, quàm inter se. Exem: cau: circa *Sanctam  
Ecclesiam Catholicam*; Cum eam contra ex-  
pressum Christi Mandatum (*Si non audierit Eccle-  
siam sit tibi tanquam Ethnicus & publicanus. Mat: 18.  
v. 17.*) non audierint primitus Lutherus ac Cal-  
vinus cum Affectis suis, & consequenter con-  
tra idem præceptum, hucusq; non audiant ii  
qui illorum vestigia ac inobedientiam secuti,  
seipsos refractariæ Ecclesiam Catholicam nun-  
cupant. Dissentiunt præterea circa *Ecclesiam Ca-  
atholicam*, quòd non agnoscant Caput ejus in ter-  
ris Visibile; totum Ecclesiæ Ordinem immuta-  
verint, verosq; Episcopos & Presbyteros (un-  
de pendet Sacramentorum valor) amiserint. Et  
quidem hac in parte nec inter se conveniunt.  
Nam Calvinistæ Genevenses negant, posse ul-  
lo pacto Regem aliquem & multò minus Regi-  
nam in Regno suo, Ecclesiæ militantis Caput  
constitui: Anglo-Calvinistæ verò sive Prote-  
stantes affirmant. Hi pròfitentur quoq; Eccle-  
siam con-

siam constare debere Episcopis, Presbyteris, aliisque Hierarchiæ Ecclesiasticæ gradibus. Quod pernegant cum Lutheranis Calvinistæ Geneveses, Belgici, & Germani

69. Discrepant circa *Communione Sanctorum* Cultum enim eorum ac Invocationem angvè pejùs habent. Circa *Remissionem peccatorum*: cum ea, quæ ad veram pænitentiam, remissionem peccatorum, & consequenter ad vitam obtinendam æternam requisita sunt, aspernentur: nimirum, veram Confessionem delictorum à se commissorum, eorum Presbytero instituendam; absolutionem Presbyteri à vero Episcopo ritè ordinati, actus pænitentis præter Fidem necessariò ad Justificationem exigitos &c: Circa *Vitam æternam*: Nam prædestinationem ac reprobationem talem adstruunt Calvinistæ, quæ sacris Literis & Divinæ voluntati è diametro opponitur. Circa *Descensum ad inferos*, Assirmant siquidem Calviniani, hunc descensum aliud non esse, quàm Christum in cruce, Inferni dolores & angustias perpeßum fuisse: ut docet Calvinus l. 2. Instit: c. 16. §. 10. Et Beza in cap: 26. Mat: v. 37. Quibus opponuntur Lutherani. Imo discrepant circa *DEUM ipsum ejusq; Cultum*, quatenus Adorationem Christi in Eucharistia; implorationem Intercessionis Sanctorum apud Dominum nostrum, asservationem reverentialem sacrarum Imaginum, Idololatriam injuriosissimè vocitant.

70. *Demonstratur* 6 Dissident à nobis, immò & inter se, quoad media Salutis à Christo instituta, nimi-

tuta, nimirum Sacramenta; nunc 4. nunc 3. nunc 2. pro libito adstruentes. Immo & circa Baptismum ipsum, qui prima est ad Christianitatem Janua: & sine quo nemo salvari potest. Calvinistæ enim firmiter tenent, Parentum fidelium Liberos ante Baptismum justos & Sanctos esse, ac proinde sine eo salvari posse; Liberis vero Infidelium. Baptismum nihil prodesse. Ut docet Calvinus in Antidoto Conc. Trid. Sess. 6. c. 5. Lutherani asserunt, Intentionem seu voluntatem baptizandi non requiri in Ministro, ad valorem: quod ipsum gravissimum errorem esse, qui innumeros Baptismo revera destituere posset demonstravi toties manifestè. Circa Eucharistiam, de qua Christus Joan. 6. v. 33. *Nisi manducaveritis carnem Filii Hominis, & biberitis ejus Sanguinem, non habebitis vitam in vobis:* Calviniani solâ contenti figurâ, negant Christi Carnem aut Sanguinem realiter & propriè sumi debere. Lutherani quidem affirmant, sed præterea impanationem quandam contingunt. Solvunt quoque Christum haud pauci, credentes, sub specie panis non Christum, non DEUM, sed corpus exanime sine Sanguine; anima & Divinitate sumendum esse. Verbò, quicumq; dicit, Lutheranos & Calvinistas dissidere à Catholicis, in iis tantum, quorum Fides non est necessaria ad Salutem, convenire autem inessentialibus, is temerè ac merè pro libito, quod vult, asserit esse essentialia; quod non vult, accidentale. Ergo manifestè ob pertinaciam suam, nec scit, nec scire vult, quænam sibi credenda aut facienda sint, ut salvus fiat. PUN-



## PUNCTUM TERTIUM.

*Dissolvit omnia Fundamenta, quibus Syncretistæ & Adiaphoristæ, unâ cum præfato D. Politico, Libertino-Pietista, præcipuè, imò unicè nituntur.*

§. I.

*Syncretistica Articulorum Fidei, in essentielles & accidentales Divisio, Figmentum est palpabile.*

71. Syncretistarum ac Libertinorum basis præcipua, supra quam imaginariæ Religionis suæ Systema construunt, est illa Articulorum Fidei, in essentielles, seu qui necessariò credendi, ut homo salvus fiat; & accidentales, seu quos liceat credere vel non, divisio. Quàmvis autem nonnulli Articuli in Religione Christiana, sano sensu dici queant substantiales, id est primarii, ratione objecti credendi principalissimi, quod est Deus, Trinitas Personarum ejus, Christus: Item licèt quorundam, & quidem paucorum Fides explicita sit necessitate medii (ut vocant Theologi) requisita ad salutem, ita videlicet, ut illum, qui eosdem nesciret, ubi Evangelium promulgatum est, nec invincibilis ignorantia excusaret; aliorum verò Fides explicita necessitate solùm Præcepti Divini requiratur ad salutem: Nullatenus tamen dantur in Christianitate Articuli Fidei accidentales hoc sensu. 1. Quasi; liceat quædam credere vel non, admittere vel repudiare, tam & si cognoscantur esse revelata à Deo, eò quòd sint res minoris momenti. 2. Aut quòd liceat ea ignorare

ignorare voluntariè, vel in dubio, sint ne verè  
revelata aut præcepta, manere, ac negligere  
seriò & sedulo hac in parte indagare veritatem  
ita &c.

72. *Demonstratur Pars prior.* Quoties urgen-  
tur Syncretistæ indigitare, quoniam defacto Ar-  
ticuli sint accidentales tantum, qui verò Essenti-  
ales, mirum se torquent in modum. Alii vo-  
lunt essentialia & necessarium duntaxat esse, cre-  
dere Symbolum Apostolorum: alii, credere ea,  
in quibus tres Religiones, Catholica videlicet  
cum duabus Protestantibus conveniunt: alii,  
credere ea, quæ clare expressa habentur in factis  
Literis, alii cum memorato Politico, facere illa,  
quæ expressè sub conditione obtinendæ Salutis  
proponuntur in sacro Codice, & omittere, qui-  
bus æterna damnatio adjungitur: (quæ omnia  
Puncto secundò palpavimus esse falsa) Infero:  
Ergo vel ex ipsa circa determinationem Articuli-  
orum essentialium fluctuatione colligitur, præ-  
dictam divisionem esse commentitiam.

73. 2. Deus, ejusque Testimonium Fide di-  
gnissimum est, sive revelet aliquid magni vel par-  
vi; sive testetur aliquid de se ipso, sive de crea-  
turis. Ergo æqualis Fides tam in his quam in  
illis debetur eidem. Nec minùs erit Deo re-  
velanti rebellis atque injurius in Authoritatem  
ejus, & per consequens, æternæ damnationis re-  
us, qui minus quid, si verè est revelatum, quam  
qui majus negaverit. Igitur articuli: Fidei,  
memorato sensu accidentales, nonnisi iniquissi-  
mè adstruuntur.

74. 3. *Quicumque totam Legem servaverit, offendat autem in uno, factus est omnium reus.* Inquit S. Jacobus c. 2. v. 10. Ergo, sicut unum V. G. ex 10. Præceptis voluntariè transgredi. opponitur toti Charitati, eamque tollit; ita & unum à Deo revelatum non credere, toti adverstatur Fidei, eamque excludit. Et Mat. 5. v. 19. ipse testatur salvator: *Qui solverit unum de mandatis istis minimis, & docuerit sic homines, minimus vocabitur in Regno Cælorum.* Porro minimus in præsentī idem significat, quod indignus Regnō Cælorum: ut ipsemet Politicus noster fatetur pag. 8. Sicut igitur damnandus, non solum ille, qui Mandata Dei circa objecta grandia, sed etiam qui circa minora graviter obligantia transgreditur; ita pariter non tantum ille æternā excludendus gloriā, qui Deo revelanti in rebus majoribus, sed & qui in minoribus renuit credere. Maxime cum inter Mandata agendi, præcepta quæ credendi contineant. r. Quā ergo frontē Articuli Fidei accidentales, quos liceat credere vel non, tam & si à Deo revelati sint, adstruuntur?

75. 4. Qui vel unum Articulum, quem cognoscit esse revelatum, non credit, eò quod existimet rem minoris momenti esse, is revera, nec credit in Christum, nec ullum credit Articulum Fidei Divinæ: sed ad summum, ore solum credit, aut Fidem duntaxat habet Politicam. Si enim crederet e. c. in Christum, crederet ideò, quoniam Deus qui in omni Verbo suo infallibilitatem & Authoritatem habet ut

sibi credatur, hoc revelavit. Sed si hoc verè & Fide Divina crederet, crederet utique omni Verbo, ac proinde etiam in rebus minimis. Ergo si non credit in iis, revera nec credit in majoribus sed tantum dicit se credere.

76. 5. Tu, qui asseris, in Religione Christiana dari articulos accidentales, quos credere, tuo relictum sit arbitrio, responde ad sequentia. Vel agnoscis ejusmodi Articulos esse revelatos à Deo, vel non agnoscis? Si agnoscis, & tamen non credis, factus es Deo rebellis, & consequenter æterni reus supplicii. Imò (ut constat ex immediatè dictis) nihil credis Fide Divina: nec Christianus es, cum actum hunc universalem non habeas, *Credo omnia, quacunque Deus revelavit.* Quo modo igitur præfati Articuli dicendi sunt accidentales, & minimè ad Salutem necessarii? Si verò non agnoscis esse revelatos, Ergo nec credere eos poteris Fide Divina: hæc siquidem pro motivo habet Revelationem Divinam. Et consequenter nequidem dicendi sunt Articuli accidentales. Ergo Divisio in essentielles & accidentales &c: figmentum est risu dignum.

77. Dices: Hæc. quæ accidentia voco, agnosco quidem revelata esse in scriptura, verum obscure duntaxat & in confuso, ita, ut maneat dubium, num hæc in sensu Catholicorum, an verò Protestantium sint sumenda. Respondeo: demus hoc interim gratis: Infero, ergo quamdiu manes in dubio, neque potes ea credere Fide Divina; postquam verò ad

E

eviden-



evidentiam moralem Revelationis perveneris, obligaberis ea credere. Qua igitur fronte dicuntur articuli Fidei accidentales? Addo: si Deus talia revelavit in sacris Literis, quæ per se non patent, quonam sensu accipienda ergo & providisse nobis debuit media seu, infallibiles scripturæ Interpretes, qui ea exponant certissime. Alias enim frustra hæc à Spiritu S. inspirata, & ab Apostolis conscripta fuissent: nec ad alium deservirent finem, nisi ad Schismata fundanda, & sub prætextu luminis privati, ad perviciam fovendam inter Christianos. Relege, quæ hac de re Puncto secundò à num. 43. & Puncto primò per totum, plus quàm satis dicta sunt.

78. *Demonstratur Pars altera:* Videlicet, quòd non liceat voluntariè ignorare, quæ à Deo revelata aut præcepta sunt, vel in dubio hac de re manere, & studiosè non inquirere veritatem. Siquidem enim Deus, quidquid revelat & præcipit, ideo revelat ac præcipit, ut nos credamus & faciamus: (quod ipsum constat non solum ex innumeris scripturæ Locis, sed & ipso lumine rectæ rationis: maximè cum illa quæ revelat, sint vel finis noster ultimus, vel media à Deo præscripta ad eundem consequendum.) Hinc, qui voluntariè ignorat talia, negligitque seriò indagare veritatem, & in dubio suo perseverat, is contemnit Dei testimonium ac præceptum, adeoque & salutem propriam: resolvit enim se ad non credendum, non faciendum, si sit revelatum aut præceptum, si sit: qualis proculdubio non est aptus ad Regnum Cælorum. §. 2 Spiritus

§. 2.

*Spiritus privatus interius asscurativus, de Sacra  
scriptura veritate, sensu ac claritate, quo Syn-  
cretistæ & Libertini, aliique Novatores  
niti volunt, palmare com-  
mentum est.*

79. Solent Novatores, quoties ad angustias compelluntur, ad privati Spiritûs tenebras confugere, fingentes, dari suis, qui bono animo perscrutantur scripturas, lumen aliquod interius à Deo, quo asscurentur infallibiliter, quod scriptura sacra Dei sit Verbum, quinam Libri Canonici, qui Textus revera clari, aut per quos declarandi, quisnam Germanus difficiliorum sententiarum sensus, quæ in universalibus particularia contineantur implicite &c: Verbo, quænam sibi credenda & facienda sint, ut salvi fiant. Et hunc Spiritum, volunt Protestantes, se defacto jam obtinuisse; Syncretistæ verò & Libertini, existimant, saltem quo ad multa, nimirum quæ non adeò clara in Bibliis exprimuntur, adhuc expectandum esse. Politicus noster sic hac de re pag. 18. disserit: *Quadam in scriptura reservavit Deus, suo tempore nonnullis quibus voluerit, percipienda concedere, sensumque eorum aperire. Sed assertum nostrum:*

70. *Demonstratur i. Experientiâ compertum est, lumen ejusmodi internum Spiritûs S. nequaquam dari Dissidentibus; tametsi profiteantur omnes, se animo bono scripturam evolvere. Si enim daretur, non tot profecto*

de iis, quæ credenda sunt, experiremur inter eos contradictiones: cum Spiritus S. Testimonium nequeat sibi esse contrarium. Ast contradicunt sibi in multis: Exem: cau. Lutherani asserunt, se internò Spiritûs S. Testimoniò assecurari, quòd per hæc & similia Christi Verba, *Hoc est Corpus meum Matt: 26.* re alis Corporis Christi præsentia denotetur in Eucharistia. Calvinistæ è contra protestantur, se internò Spiritûs S. Testimoniò assecurari, quòd hic figura duntaxat significetur. Et Lutheranos inter, alii volunt se ex instinctu Divino scire, sub specie panis sumi Corpus exanime, sine sanguine, anima & Divinitate. Alii dicunt, se ex instinctu Divino scire oppositum. Calviniani affirmant, se Divinitus edoceri, Epistolam S. Jacobi esse Canonicam, & verum Dei Verbum. Lutherani è converso arbitrantur, se Divinitus certificari, non esse Canonicam, sed stramineam. Rursus inter eos, An. 1598: Argentorati, Ministri Lutheranorum eliminarunt è sacrorum Librorum Catalogo Epistolam S. Jacobi, Epistolam S. Pauli ad Hebræos, & Apocalypsim S. Joannis. Post 74. verò annos denuo reassumpserunt. Tandem Syncretistæ, & Adiaphoristæ profitentur, se à Spiritu S. interiorius loquente didicisse, hæc & similia inter Protestantes controversa, accidentaliter tantum Fidei, nec necessariò credenda esse. Quis non videt Spiritum hunc privatum, merum figmentum, & in re proprium, variabile, fallibileque iudicium, aut potius sentiendi libidinem esse?

81. Quicunque vanitatem hanc palpare desiderat, sciscitetur ex aliquo Novatore. cur hoc vel illud in materia Fidei sentiat, hanc vel illam Scripturam sic intelligat, cum tamen omninò aliter judicent, sive qui oppositâ Religionem profitentur, sive etiam in eadem Secta constituti? Respondebit ita se rem omninò habere, prout ipse dicit, se in animo suo assecuratum esse, Spiritum S. testari id Spiritui suo moxque ingemiscet, O! utinam & alii, quotquot Sententiæ meæ refragantur, in humilitate & animò bonò scrutarentur Scripturas, profectò veritatem hanc pariter manifestam haberent! Vado deinde ad alterum (puta simili sacrarum Literarum notitiâ gloriantem) ad tertium, decimum, centensimum &c: tot sensus, quot capita reperies: tametsi omnes, eadem phrasium pompâ, Spiritus S. Testimonium jactare non erubescant. O tempora! O mores! uniuscujusvis hominis fallibile iudicium, Téstimonium Spiritûs S. pertinacia Sensûs proprii & obstinatio, superna assecuratio nuncupatur!

82. *Demonstratur* 2. Prædictus Spiritus privatus non adstruitur, nec eò regulari debent homines in ordine ad ea quæ facienda sunt: (alias enim nulla Communitas subsistere posset) ergo à fortiori, nec ad ea quæ credenda sunt. Sed sicut in operando, ad Dei Præcepta & Leges communes attendendum, non verò ad id quod tibi Spiritus privatus dictare videtur, (sicut volunt Quakeri & Tremblantes,



quibus medicô magis quàm argumentô opus est) nam aliàs omnia scelera impunita relinqui, totaque morum disciplina dissolvi deberent: Ita & in credendo Fide Divina, ea spectanda, quæ exterius nobis à Deo revelata & per Ecclesiæ suæ Doctores proposita expositaque sunt: non verò, quæ tibi Spiritus tuus privatus persuadet: aliàs enim omnes errores ac deceptiones in materia Fidei, impunitæ relinqui, totaque Fides Christiana (tamen si sine hac impossibile sit placere Deo.) dissolvi deberet.

83. *Demonstratur* 3. Deus statuit, Fidem Christianam esse communem hominibus, & exterius profitendam; non privatam: *Qui confitebitur me coram hominibus, confitebor & ego eum coram Patre meo.* Inquit Dominus Matt. 10. v. 32. Ergo & Regulas externas atque communes omnibus, quibus, dum controversia, de credendis aut faciendis, de hoc vel illo Scripturæ sensu exoritur, infallibiliter dirigamur, providere debuerat. Ut quid prædicasset Christus? ut quid Apostoli? ut quid signis de Cælo sermonem confirmasset, unumquemque Spiritui suo privato relinquere voluisset? Certè, si lumen interiùs allecurativum, cuius dandum erat, Prædicatione externa, imò nec scripturâ opus fuisset. Vel ad summum sola scriptura absque prædicatione & Miraculis per Orbem dispergi, & interior præterita de vero sensu dari hominibus allecuratio popuisset. Sicut igitur noluit Deus, ut primi Christiani Spiritu regularentur privato, sed licet eandem haberent Scripturam

ram, quam nos modò, providit nihilominus  
 iisdem Expositores, Interpretes, ac Contro-  
 versiarum Diremptores infallibiles: quorum  
 confirmabat sermonem notis & Signis de Cœlo  
 evidentibus. Ita & postea per omnia Christi  
 sæcula: & nunc: cum eadem imò major tot  
 inter Sèctarios, Spiritum privatum jactitantes  
 sit necessitas.

84. *Demonstratur* 4. Nullum prorsus huius  
 privati luminis afferri potest fundamentum.  
 Ergo commentum est. Illuminat quidem De-  
 us omnem hominem venientem in hunc Mun-  
 dum; ast non immediatè interiùs affecurando,  
 quid credere aut agere debeat: verùm exteriùs  
 per Doctores & Scripturæ sacræ Interpretes  
 assistentiâ Spiritûs S. præditos, declarando pa-  
 lam per tot Notas Signa evidenter Divina,  
 Doctrinam ac Interpretationem eorum suam  
 esse. Tandem postea interiùs quoque Intel-  
 lectum illustrat, ut homines tum Prædicatio-  
 nem & expositionem Doctorem suorum, tum  
 has ipsas veræ Ecclesiæ Notas percipiant: alli-  
 citq; voluntatem ut Doctrinam suam acceptare  
 non renuant. Sic fecerat tempore Aposto-  
 lorum, sic illuminabat primos Christianos.  
 Ergo & modò. Et ideo Christus non tantum  
 Apostolis, sed & eorum Successoribus appro-  
 misit Spiritûs S. assistentiam in docendo infal-  
 libilem. *Rogabo Patrem, & dabit vobis Spiritum*  
*veritatis, ut maneat vobiscum in æternum: ille vos do-*  
*cebit omnia. Joan. 14. v. 16. Et Ecce ego vobiscum*  
*sum omnibus diebus usque ad consummationem Sæculi.*  
 E 4 *Mat.*

*Matt. 28. v. 20.* Quod proculdubio non de solis Apostolis dictum, hi siquidem non erant per manfuri superstites usque ad consummationem sæculi.

Ideo pollicitus est Signa & Miracula etiam sequentibus Temporibus: *Qui credit in me, Opera quæ ego facio, & ipse faciet, & majora horum faciet. Joann. 14. v. 12.*

Nec curandum, quod Prodigia quæ patrantur in Ecclesia Catholica, aliæq; infallibilitatis Notæ, rideantur ab obstinatis, cum compertum habeamus, ipsius Salvatoris Miracula à Pharisæis nunc pertinaciter negata, nunc malevolè Arti magicæ adscripta fuisse. Ideo quoq; Dominus *audire Ecclesiam.* *Matt. 18.* id est Præpositos Ecclesiasticos, ut toties se explicat, e. c. *Luc. 10. v. 16. Qui vos audit, me audit; qui vos spernit, me spernit.*

85. Quicunque igitur vult illuminari à Deo, non petat lumen aliquod extraordinarium privatum assecraturivum de iis quæ credenda sunt: id enim esset tentare Deum; Sed lumen imploret ordinarium, quod primò exterius per Ecclesiæ Christi Rectores & Scripturarum Interpretes conferri solet; (ut videre est in S. Paulo, in illo Reginæ Candacis Thesaurario, num: 100.) deinde & interius per Spiritus S. illuminationē: ut hæc ipsa, quæ sibi proponuntur, ritè percipere, ac libenter & prout oportet ad Salutem acceptare valeat. Qui illuminari vult à Deo, audiat vel (si tanti est) legat in humilitate & animò bonò Scripturam: sed quomodo? Num arbitrando, se melius eandem intelligere, quàm omnia SS. Patrum Concilia, omnes

omnes per tot sæcula Ecclesiæ Doctores intellexerint? ( ut fecerunt Lutherus & Calvinus cum suis Assēclis; An sperando, quòd possit etiam Textus difficiliores, absq̃ Doctore percipere? ( ut faciunt Libertino-Pietistæ) Id profectò, non humilitatis actus, sed ventosa superbia est. Aliter cum humilitate legenda sunt Biblia. Consulendi ante omnia etiam nostri Doctores, eorumque Lucubrartiones Polemicæ, ut sincerum Scripturæ sensum à depravato discernere valeas. Ac tandem, privatum, dubium, fluctuansque iudicium tuum, Ecclesiæ Catholicæ Iudiciò submittendum. Si hoc feceris, poteris in illa extremi Iudicii die securus profiteri: Feei Domine, quod iussisti: obedivi Ecclesiæ in omnibus, ut mandasti: nec aliter, quocunque me verterem, securus esse poteram. Præsertim cum innumeris planè Exemplis compertum habuerint, omnes, quotquot fuere, Sectariorum, ideo à veritatis tramite turpiter defecisse, quòd spretò Ecclesiæ Catholicæ iudiciò, suo in Rebus Fidei arbitrio, quod Spiritus sancti Testimonium appellare non sunt veriti, adhæserint.

86. *Demonstratur* 5. Si rejectò Controversiarum Iudice, & infallibili Scripturarum Interprete, Spiritui privato acquiescendū esset, *Sequeretur* 1. Nullas Hæreses refutari aut erroris convinci posse. Obtrudant enim nostri avī Novatores, cuicunque enormissima licet hæretico, Doctrinam ejus apertæ reluctari Scripturæ, seque in anima Divinitus edocem, *Simp-*



turam hanc esse claram, & omninò sic, ut ipsi  
asserunt, intelligendam. Reponet ille, fal-  
sum est: non sic, sed ita, prout ego dico, Scri-  
ptura sumenda est apertissime: hoc svadet,  
hoc testatur, hoc denique jmbet interior Spi-  
ritus S. Instinctus. Quid ageretis ulterius, si ad  
externum Judicem non datur Recursus? *Se-*  
*queretur* 2. Apostolos unà cum S. Paulo ad Tit. 3.  
v. 10. cunctosque primitivæ Ecclesiæ Patres er-  
râsse, quòd tantopere persecuti fuerint hære-  
ticos. Omnes siquidem Spiritu privato sese  
tueri potuissent. *Sequeretur* 3. Frustra dari in Chri-  
stianitate Doctores & Prædicatores, si unum-  
quemque, Spiritus S. Testimonium, quid credere  
debeat, assecurat intèrius, Porro hæc admitte-  
re, est delirare: certum igitur manet, Spiritum  
privatum, commentum esse vanissimum.

87. Tandem pro complemento dictorum,  
quæro ex Politico nostro: Quo casu Luthera-  
ni aut Calvinistæ rigidiores, ad ea omnia, quæ  
studiosè conscripsisti, sic responderent: Nos  
pro iis, quæ tu minùs clarè in sacris Literis  
exerata, ac proinde nec ad salutem necessaria  
esse asseris, jam defactò Spiritus S. Lumen ac  
Testimonium: quòd omnino credenda & fa-  
cienda sint, habere, Quid ad hæc Dominus  
Politicus? Num dicet, errare eos, nec bona  
Fide Scripturam sumere? Ast reponent: tu  
politicùs erras: tu Fide mala scriptum tuum con-  
cinnasti. Sic loquitur, sic testatur nobis Spi-  
ritus S. hodie; tibi verò Lumen ejusmodi,  
(ut fateris pag. 18.) adhuc expectandum,

S. 3. Nullus

*Nullus Syncretista aut quicumque alius Novator, insistendo opinioni suæ, si se reflectat seriò, judicat bona Fide aut inculpabiliter de iis quæ credenda & facienda sunt ad salutem; sed iudicium ejus dubium est, graviterque culpabile.*

88. Eò usque Fides Christiana defecit apud multos, ut Divina in humanam prorsus sit transformata. Cum haud pauci arbitrentur Politici, ea, præsertim circa Articulos, quibus moderni repugnant Dissidentes, credenda esse, quæ hic vel ille, bona Fide (ut vocat) seu iudiciò propriò, credi debere existimat. Hocque iudicium (tametsi experienciâ constet falli sæpissime) Conscientiæ ac Fidei libertatem; & è converso, quoties sibi in sensu suo putatio manere non permittitur, Jugum Papisticum, indignissimè compellant. Pertinaciter id ipsum Politicus noster, quàmvis ex industria paulò obscurius promovel, e. c. pap. 22. ubi de bona Fide differit: & pag. 5. ait: *Nequit* Deo piacere, dum altercamur de talibus, quibus salus affixa non est. aut unus alterum cogat, ut ita sentiat quomodo ipse, & non aliter &c: Istud itaque Oppositorum Principium convellendū in præsentī, atque demonstrandum i. Eos nequaquam bona Fide, sed Conscientiâ dubiâ & culpabili judicare de credendis ac faciendis ad salutem. 2. Neminem cum Iudiciò & Conscientia ejusmodi ad Vitam æternam dispositum esse.

89. *Demonstra-*

89. *Demonstratur prima Pars 1.* Syncretista, si-  
ve dicat, credendum tantum esse necessario in  
Deum & Christum; siue quidquid in Symbolo  
Apostolorum continetur; siue in quo tres Re-  
ligiones consentiunt; siue (ut vult D. Politicus)  
ea facienda, quibus clarè in Scriptura salus æ-  
terna annecitur, reliqua verò adiaphora esse  
&c. tot habet in contra manifesta Argumenta:  
ut vidimus Puncto secundò. Ergo, modò se  
reflectat, saltem dubitare debet de suæ Do-  
ctrinæ veritate. consequenter, si persistat in ea,  
nec seriò inquirat certitudinem, cum commo-  
dè inveniri possit, Conscientiam habet dubiam  
culpabiliter, & quidem gravissimè, de tali siqui-  
dem agitur quò majus Mundus non habet, vide-  
licet æternæ salutis Negotiò.

90. *Demonstratur 2.* Syncretista, quidquid  
circa necessario aut non necessario credenda  
vel facienda statuatur, quoties se reflectit, animad-  
vertit Judicium suum non esse infallibile: imò  
nec convictivum se habere fundamentum, sed  
merè pro libito, hoc vel illud asserere (ut Pun-  
cto secundò palpavimus) Igitur dubitat; & dum  
modos possibiles assequendi veritatem negligit,  
dubitatur ac judicat culpabiliter.

91. *Demonstratur 3.* Nullus Syncretista aut  
Sectarius habet majora credibilitatis indicia (&  
multò minùs infallibilia) pro sua opinione,  
quodvè scripturam meliùs intelligat, aut agnos-  
cat ubi clara ubi non; quàm pro quacuncq; alia  
Secta. Ut enim ipse, sic & alii scripturam ja-  
ctitant, & quidem (sicut volunt) claram: Ut  
ipse

ipse, sic & alii unum Textum conantur exponere per alterum: Ut ipse, sic & alii producant in medium Spiritum privatum, iudiciūq; suum, & Libertatem Fidei ac Conscientiæ prætendunt. Ergo dubitare cogitur: Et si manet voluntariè in dubio, peccat graviter.

92. *Demonstratur 4.* Nullus habet Fundamentum convictivum, suo potius suorumque iudicio, circa scripturæ interpretationem, & ea quæ credenda sunt, quàm Ecclesiæ Catholicæ, standum esse; Ergo dum se reflectit supra Opinionem suam, cogitur dubitare: & consequenter, quoties, non indagando veritatem, cum potest, perseverat voluntariè in dubio hoc, salutem suam æternæ damnationis exponit periculo.

93. *Demonstratur 5.* Nullus Syncretista, aut alius Novator, potest apud suos infallibiliter certificari, quod sacra scriptura sit Dei Verbum, quod Libri isti, quos volunt esse Canonicos, profecto sint tales, quod hic vel ille Locus re vera sic clarus, sicque intelligendus, prout ipse arbitratur, quod Propositiones universales circa ea quæ facienda sunt ad Salutem (quales in sacro Codice reperiuntur innumeræ) hæc & non alia comprehendant particularia &c: (juxta dicta Puncto secundò, à num: 46. & Puncto primò à num: 8.) Igitur, si ad hæc seriò se reflectat, dubitabit de omnibus, quamdiu opinioni suæ adhæret. Ergo tenetur eam relinquere, & veritatem in Ecclesia Catholica inquirere. Quod, si non faciat (sicut ordinariè non so-



lent ii; qui curis temporalibus abrepti, de Fidei, id est salutis negotio parum cogitant, aut concertationis duntaxat, & non veritatis discendæ gratiâ, agere consueverunt) vincibiliter & culpabiliter ea quæ credenda aut facienda sunt, ut saluus fiat, ignorat.

94. *Demonstratur 6.* Tot manifestis Scripturæ testimoniis dogmata Catholica quæ à vobis reiiciuntur, comprobamus, Ut etiam hic videre est e. c. num: 53. & 66. Ergo de vestris saltem dubitare debetis.

95. *Demonstratur 7.* Tot evidentibus Punctis primò evicimus argumentis, in Christianitate præter sacras Literas, viros quoque Spiritus S. assistentiâ instructos, qui infallibiliter, & signis de cælo attestantibus, Scripturam exponant, dirimantque controversias, semper dari debere. Quid ipsum luculenter patet etiam ex illis Christi Verbis, manifestè non tantum ad Apostolos sed & successores eorum dictis: *Eccè Ego vobiscum sum usque ad consummationem sæculi.* Mat. 28. *Et: Rogabo Patrem, & dabit vobis Spiritum Veritatis, qui maneat vobiscum in æternum.* Joan. 14. v. 16. Demonstravimus præterea ibidem, viros ejusmodi nullibi nisi in Ecclesia Romana Catholica reperiri. Unde evidenter liquet, Lutherum & Calvinum cum asseclis suis graviter defecisse, quòd huic Ecclesiæ judicium suum non submiserint: & per consequens, omnes eorum hac in parte sequaces, pari modo hucusque deficere. Cui verò id ipsum nondum satis videtur esse evidens, saltem hæsitare, fluctuare,

are, de que opinione sua dubitare debet. Porro sic constitutum esse, est in statu peccati, & æternæ damnationis periculo existere, ut patet ex immediatè dicendis.

96. *Demonstratur itaq; Pars secunda*: Quicunque de iis quæ credenda aut facienda sunt; ut homo salvus fiat, voluntariè dubitat, quatenus cum advertentia negligit inquirere veritatem, adeoque volens ignorat, num hoc vel illud revelatum sit à Deo aut præceptum, iste periculo se exponit peccati, discreditationis ac transgressionis Divini præcepti. Igitur juxta Ecclesi: 3. v. 27. *Qui amat periculum peribit in eo.* Resolvit se præterea ad non credendum aut faciendum, sive id sit à Deo revelatum aut præceptum, sive non sit. Ergo quantum de se rebellis est & refractarius Divinæ voluntati: & consequenter ad Vitam æternam minimè dispositus. Et hæc est alia conscientiæ ac Fidei execranda libertas, quam sibi permitti, adeò sollicitè prætendunt Novatores, Conscientia videlicet dubia voluntariè, ac culpabiliter erronea; in qua, modò se reflectant serio, omnes versantur, (ut demonstratū à num: 89.) qui Ecclesiæ Catholicæ refragantur.

§. 4.

*Disputationes strenuæ in materiâ Fidei, & Editiones nostræ Controversiæ nonnisi impiissimè rejiciuntur.*

97. *Demonstratur 1.* Qui enim talia rejiciunt, & proscripta esse volunt, hi praxim & modum

dum agendi ipsius Christi Salvatoris nostri, Stephani Protomartyris, Pauli & reliquorum Apostolorum, Athanasii, Basilii, Chrysostomi, Augustini & omnium SS. Doctorum universæ per tot sæcula Christianæ Ecclesiæ injuriosè reprobant. Nonnè toties disputavit Christus in Evangelio cum Phariseis & Sadducæis? & quidem non langvide, non mennisticè, sed ferventer, sed strenuè, instando opportunè, importunè, etiam increpando, & pervicaciam eorum, ne aliis nocere valerent amplius, confundendo salutariter. Exem: cau. Mat. 16. *Accesserunt ad eum Pharisei & Sadducæi tentantes &c.* Quibus ille, præmissâ de Cœlo rutilante mane aut vespere sequelâ, subjunxit: *Generatio mala & adultera Signum querit &c. Cavete à fermento Phariseorum & Sadducæorum!* Et Marci 12. Nunc cum Phariseis & Herodianis de Tributo dando Cæsari; nunc cum Sadducæis de Resurrectioe mortuorum disputabat. Cùm enim primi Salvatorem dolosè interrogassent, num liceret Tributum dare Cæsari? voluit monstrari sibi numisma censûs: quod quia imaginem Cæsaris præseferendo, spectabat ad eundem, hinc Argumentando conclusit: *Reddite igitur quæ sunt Cæsaris, Cæsari; & quæ sunt Dei Deo.* Sadducæorum captiosam pariter obtrusionem de Viris septem, qui successivè eandem Uxorem habuerant, uter eorum in Resurrectione mortuorum, accepturus sit illam? confudit inquires: *Erratis-- Cùm enim à mortuis resurrexerint neque nubent, neque nubentur.* Quis non videt, Christum verè & propriè contra veritatis adversarios disputasse?

98. Disputavit & Stephanus Act. 6. v. 9.

*Surrexerunt autem quidam de Synagoga, quæ appellatur Libertinorum & Cyrenensium & Alexandrinorum, disputantes cum Stephano: & non poterant resistere Sapientia & Spiritui, qui loquebatur. Disputavit Paulus e. c. A. 9. v. 29. Disputabat cum Græcis. & Act. 18. v. 4. Disputabat in Synagoga, Et v. 19. Disputabat cum Judæis. &c. &c. Disputarunt omnes SS. Doctores: tot exstant libri Basilii, Athanasii, Hieronymi, Augustini, Chrysostomi &c. Disputationibus referti ferventissimis, quibus omnis generis hæreticos, illos Arianos. Manichæos, Nestorianos &c. &c. acriter, & simili omnino stylo, atque nos hodie decertamus, convellebant.*

99. *Demonstratur 2. Ejusmodi rerum Polemicarum contemptores resistunt Spiritui sancto, qui in hunc finem, Ecclesiæ veræ in Apostolis appromissus est, Luc. 21. v. 15. Dabo vobis os & sapientiam, cui non poterunt resistere & contradicere omnes adversarii vestri.*

100. *Demonstratur 3. Tales æterni Patris Ordinationem reprobant. Ipse enim statuit, quidquid credendum & faciendum est, ut homo salvus fiat, non per Spiritum privatum, (ut ostensum superius) sed per Prædicatores suos infallibiliter nos edocere, quemadmodum tempore Apostolorum, licet protunc jam haberetur Scriptura, fecerat. Ipse statuit, non aliter illuminare homines, nisi præmissa prius expositione veritatis, ac repressione fallitatis, per viros, qui ad id muneris ritè vocantur, instituendâ.*

F

Et



Et ideo testatur Paulus Rom. 17. v. 14. *Quomodo credent ei, quem non audierunt? quomodo audient sine Predicatore? quomodo verò predicabunt, nisi mittantur?* Illuminare ac edocere quidnā sit credendū voluit Deus Act. 8. v. 31. illū Reginæ Candacis Thesaurarium, qui legebat scripturam. Sed quomodo? non per ipsam præcisè scripturam; non per Lumen aliquod privatum immediatè interiùs affècurativum: sed per Philippi Apostoli prædicationem ac expositionem scripturæ. Cū enim Philippus quereretur, *Putasne intelligis, quæ legis?* reposuit Eunuchus, *Quomodo possum, si non aliquis ostenderit mihi?* Admirabile fuerat Lumen, quod circumfulsit Paulum in via, Act. 8. v. 4. nihilominus percontari adhuc debebat *Domine, quid me vis facere?* Responsum verò accepit: *vade in Civitatem, videlicet ad Ananiā. Ibi dicetur tibi, quid te oporteat facere.* Verbō, qui solum Lumen privatum, scripturam intelligere, & quidnam sibi ad vitam obtinendam beatam, credendum, agendumque sit, scire præsumit; externa autem media, Prædicationes videlicet & Disputationes in materia Fidei, nostraque scripta Polemica rejicit, is manifestæ Dei Patris, Filii, & Spiritûs S. voluntati ac ordinationi resistit: similisque fit *Aspidi surde obturanti aures suas, quæ non exaudiet vocem incantantium.* Psal. 58. v. 5.

101, Demonstratur 4. Delinquent homines ejusmodi graviter 1. contra Deum, negando eum honorem & amorem sibi debitum. Cū enim controversias Fidei seriò agitari, veritate

ritatem sollicitè inquiri, errores acriter impugnari (qua viâ homines ad cognitionem eorum, quæ Deus revelavit & præcepit, eluctari possent) ferant ægerrimè; revera permittere volunt, ut sui ignorent ea quæ Deus sciri mandat, atque in dubio persistant culpabili, seu, (quod idem est, ut constat ex dictis num. 96.) in continuo Divini Testimonii & Mandati contemptu. 2. Delinquant contra charitatem proximi, volendo tot animas in crassâ eorum, quæ Salutis sunt, ignorantia relinquere, in dubio vincibili, in conscientia culpabiliter erronea, ac proinde in proximo damnationis periculo constituere. 3. Delinquant contra lumen rectæ rationis: hoc enim cuivis homini indicat; tum quòd propter bonum temporale, respectum videlicet Personarum, aut conjunctionem Politicam (quam proscriptis concertationibûs Polemicis, se promoturos arbitrantur) ea quæ Deum & animæ salutem spectant, non sint negligenda: tum quòd vera concordia, vera amicitia, vera confidentia nequaquam dici possit, dum homines in ignorantia rerum Spiritualium, in erroribus contra Fidem in statu perditionis relinquuntur.

102 Quid ad hæc sapientuli hujus Mundi? non audent quidem palam loqui nam manifestè convicti sunt; mussitant nihilominus inter se: *Quid profuerunt tot Opuscula controversa, his doctis ex parte Catholicorum edita?* En judicium temerarium! Quia tibi, qui Gratiae Dei in faciem resistis, Labor ejusmodi non profuit, ideonè

existimandum, nec alius profuisse? multum proculdubio utilitatis contulit iis, quibus cordi salus est & veritas. Haud pauci e Dissidentibus veritatem Catholicam cognoverunt & amplexi sunt. Haud pauci eò deducti, ut modò Respectus humanos superaverint, eam sint amplexuri. Haud pauci debiles Catholici ( quorum aliàs langvor plùsquam aperta hæresis, nocere solet Ecclesiæ) roborati, zelum Domûs Domini salutariter conceperunt. Vobis quoque Syncretistis, vobis Libertino-Pietistis, ad Vitam proderit sempiternam, si præsens opusculum animò bonò expenderitis. Nec ideo à veritate prædicanda, publicanda, propugnanda desistenda, quòd reperiantur multi, qui Spiritui S. reluctantes, eidem acquiescere detrectant. Non propterea destitit salvator ventilare Phariseos & Sadduceos; non hanc ob causam cessavit Paulus disputare adversus Gentiles & Judæos! non ideo omiserunt scribere SS. Patres contra hæreses: Nec nos ideo à benè cæptis cessabimus. Agimus, ad quod agendum obligamur, & quantum supernò adjuti auxiliò possumus, reliquum Deo Judici committentes.

103: Alii, cùm vere antur, manifestè, saltem obscurè, & sub verborum involucro, sub fucata quoque Charitatis promovendæ specie, Disputationes in materia Fidei, & opuscula nostra Polemica impugnant. Et talis est memoratus D. Politicus: Diçteria ejus aliquot expendamus. Pag. 5. sic loquitur ille: *Nequit Deo placere, si rixemur de talibus, quibus salus annexa non est, ali-*

osq; persequamur, & unus alterum cogat, ut ita sentiat quomodo ipse, & non aliter &c. Et pag 19. Quis asserere potest, permissum sibi esse, res planas in scriptura negligere, & subtilitates perscrutari, aut circa nugas quasdam criticas. (NB. Syncretisticas dicere debebat) veluti Operis suis substantiam, die ac nocte desudare, alios propterea conviciis onerare, hæreticos proclamaré, opprimere, damnare, torquere, capite plectere, igni mandare &c. Nihil imprudentius, nihil excusabilius, nihil Divino Verbo difformius, nihil denique magis barbarum, inhumanum, & diabolicum est, quàm talis agendi modus. Et pag. 21. Spectamus potius, quisnam aeternæ salutis indicia clarè proposita, in se habeat, & non adversetur illi, qui in reliquis, non integrè ejusdem nobiscum Opinioni esse potest: si ad eundem nobiscum finem perveniat, minus de hoc, per quamvis media. &c. Quàm verò inconsultus sit Zelus iste, quàm vanus sub splendido phrasium involucro, quàmque sub specie pietatis perniciosus Salutis hominum, manifestè patet ex plena Sententiæ hujus Authoris Libertino-Pietitæ refutatione à num. 31.

104, Sed libet pietatis larvam, adhuc apertius excutere. In his aliisque similibus D. Politici eloquiis, nonnulla quidem vera & æqua habentur, plurimo tamen præterea (maximè si juxta mentem ejus fumantur) falsa & injuriosa nobis. Verum quidem est, quòd relictis ad salutem necessariis, non debeamus vanis immorari Speculationibus. Falsum tamen, & Dei Verbo, ejusque Ecclesiæ Catholicæ injuriosum est quidquid sub his, ad speciem piis & universalibus



terminis Author intelligit: nimirum, quasi verò, quotiescunque de Fide & operibus, de Sacramentis & mediis ad Salutem, de Ecclesiæ Capite, ejusque Ordine universo, de vero Presbyterio de S. Scriptura ejusque Interprete &c: verbum, de quibus moderni Controversiam moverunt Protestantes, disputamus, de inutilibus agatur Subtilitatibus.

105. *Verum* quidem est, crîses & nugas, neglectis iis quæ clarè & planè exarata sunt in sacra Scriptura, non esse promovendas. *Falsum* tamen & injuriosum nobis est, dicere, quòd ea quæ in Bibliis sunt perspicua, negligamus: aut quòd nugis criticis immoremur, quoties nonnullorù Adversariorù Scripta barbara & scomatica, jucundâ pariter ac nervosâ replicatione, ( juxta illud: *Imple facies eorum ignominia, & quærent Nomen tuum Domine. psal. 82. v. 17.* ) ut hac saltem viâ, calumniandi licentia ad modestiæ limites reducatur, convellimus.

106: *Verum* quidem est, eos, quibus veritatem Fidei persuadere nitimur, propterea non esse usque ad sanguinem oppugnandos. Et hoc observare debuissent Dissidentes illi, qui non adeò pridem, ad quæ argumentando non poterant, respondere maluerunt tumultuando. Hoc observare debuissent & illi, qui, postquam à Potestate legitima, puniti sunt scelerum rei, tot Scriptis virulentissimâs, tot mendaciis & calumniis, orbem pene decipientes, Protestantes ad arma contra Catholicos arripienda, non sunt veriti concitare. *Falsum* tamen & Régno nostro injuriosum

injuriosum est, fingere, quasi nuper per Decretum Potestatis Catholicæ, Fides vestra, & non potius Tumultus ac scelera toti Mundo nota, castigata fuerint.

107. *Verum* quidem, quòd à conviciis abstinendum sit, dum Fidei veritas promovetur. Et hoc si observâisset Dominus Politicus, profectò non tot aculeos sub modestiæ pallio, ut fraudulentius pungerent, Lucubrationi suæ inferuisset: nec oblitteratæ jam Executionis Thorunnensis, locò Anni Christi, prima statim Operis fronte, mentionem fecisset. En dicitis, & non facitis! toties experimur oppositum. *Falsum* tamen & injuriosum nobis appingere, quasi errores conviciis impugnemus: nisi fortè, falsitatem manifestè convellere: & ad vestra convicia lepidiori interdum scriptò subridere, pro convicio reputetur.

108. *Verum* est, quòd principaliter homini curandum sit, ut signa Salutis in se habeat. Sed falsum, ea tantūmodo signa hujusmodi esse, quibus salus expressè in Scriptura opponitur; cum omnia, quæ Deus revelavit ac præcepit, credenda, sint & facienda. *Verum*, quòd Finis noster ultimus, nimirum Deus, quærendus sit. At falsum & Christo injuriosum est dicere, curanda non esse media. Cum ipse Salvator noster ea præscripserit, nec per Spiritum privatum, à quovis in sacris Literis indaganda, sed per eos quos infallibili Spiritus S. ad docendum assistentiâ instruxit, pro- & exponenda esse voluerit.

109. *Verum* quidem est, Fidem ac Religionem,

in Charitate & mansuetudine promovendam  
esse. Et sic faciunt Catholici: Dissidentium ve-  
rò Præcones minimè. Hic enim de mansuetu-  
dine & charitate toties solum scribere aut disse-  
rere consueverunt, quoties tumultibus (eò  
quod severè puniatur à Potestate Catholica) aut  
scommatibus, (eò quod explosioni dentur) non  
valent proficere. *Falsum* tamen, & injuriosum est,  
non tantum cunctis etiam antiquissimæ Eccle-  
siæ Doctoribus, sed & ipsimet Salvatori nostro,  
ejusque Apostolo Paulo; injuriosum tot Ani-  
marum Saluti (ut constat ex dictis) velle, Dispu-  
tationes aut Editiones nostras Polemicas pro-  
scribendas (quod revera intendit Politicus).  
Resque Fidei sine Zelo, sine emphasi & energia,  
sed ad sumum per modum confabulationis alicujus  
Quakeristicæ, privatim solum ac quasi per  
transennam, tractandas esse. Aliter profecto  
disputavit Christus, ut videre est num. 97. Aliter  
monet Paulus Timotheum: *Prædica verbum, instat  
opportune importune: argue, obsecra, increpa in omni  
patientia & doctrina. Erit enim tempus cum sanam  
Doctrinam non sustinebunt, sed ad sua desideria coacer-  
vabunt sibi Magistros prurientes auribus. 2. Tim. 4. v.  
2 &c. Aliter hortatur Titum: 2. v. 15. Hac loquere,  
& exhortare, & argue cum omni Imperio: Nemo te  
contemnat &c: Quin imò pervicaces quosdam Ad-  
versarios saturnæ ad tempus tradiderat, ut disce-  
rent non blasphemare. 1. Tim. 1. v. 20.*

§ 5.

*Consequentie & Illationes, cum ex una Veritate  
revelata alteram rite inferimus, à nullo Christiano  
recte rationis competere jici possunt.* 119.

no. Solent Syncretistæ & Pietistæ, alique Novatores. Scripturam sacram juxta privatum judicium suum interpretari; eamque & sub illa significatione, quam & quomodo pro libito suo existimant, claram enuntiare. Quotiescumque autem reponimus, eos falli, nec tali sensu hunc vel illum locum sumendum esse: Respondent, ita sibi videri in Domino, sic ipsum interius Spiritum S. attestari: ac proinde se, in judicio suo, & Conscientiæ libertate relinquendos, nec propterea, quod aliis aliter videatur, de errore arguendos esse. Hacque industriâ Argumenta nostra eludere, & in opinione sua securi delitescere contendunt. Ast ubi urgemus eosdem Theologicè, & per consequentias lumine rectæ rationis à Deo hominibus inditæ nixas, inferimus sive absurda, quæ ex interpretatione tali sequerentur; sive unum Scripturæ sensum ex altero; sive particularia ex universali; aut à pari, locum hunc non sic intelligi posse, demonstramus &c: &c: Acceptare ejusmodi sequeles reluctantur, imò angve pejùs habent, & prudentiam duntaxat humanam, non autem Dei Verbum esse vociferantur: Ita facit D. Politicus pag. 7. inquiens: *Homines docti volunt opitulari Deo per logicam suam, & per consequentias, seu deductas ex aliis Veritatibus sequelas, quod deest adjicere. Sed quàm graviter errent, palpabimus in præsentì. Assentum itaque nostrum.*

III. *Demonstratur* I. Qui præfatas rejicit consequentias, æternæ Veritati, Christo nimirum Salvatori nostro, è diametro opponitur. Cùm



& ipse Illationibûs hujusmodi, sive doceret Populum, sive Phariseos reprimeret, uti solitus fuerit Exem. cau: Marc. 7. v. 11. Divinam erga nos munificentiam per talem deducit sequelam: Si ergo vos, cum sitis malî, nostis bona data dare Filiis vestris, quanto magis Pater vester, qui in Cælis est, dabit bona petentibus se. Et Mat. 6. v. 33. Postquam explicuisset, quomodo nos Divinæ Providentiæ committere, nec nimis circa temporalia solliciti esse debeamus, infert: *Quarite ergo primùm Regnum Cælorum, & justitiam ejus, & hæc omnia adjicientur vobis.* Et Mat. 24. v. 42. Ex una veritate, incertitudine videlicet horæ mortis, infert alteram, dicens: *Vigilate ergo, quia nescitis diem neque horam.* Et Mat. 18. v. 17. talem ex inobedientia facit sequelam: *Si autem Ecclesiam non audierit, sit tibi tanquam Ethnicus & Publicanus,* Et Luc. 12. v. 28 sic à pari imò à fortiori argumentatur: *Si fœnum, quod hodie est in agro, & cras in clibanum mittitur, Deus sic vestit, quanto magis vos pusillæ Fidei.* Et Luc. 16. v. 31. *Si Moysen & Prophetas non audiunt: neque si quis ex mortuis resurrexerit, credent.* Et Joan. 14. v. 7. *Si cognovissetis me, & Patrem meum utiq; cognovissetis.* Et v. 15. *Si diligitis me, Mandata mea servate.* Et Joan. 18. v. 23. defendit Responsionem suam Annæ datam: *Si malè locutus sum, testimonium perhibe de malo; si autem benè, quid me cedis?* Quis non videt, Christum Dominum eadem argumentandi methodo usum fuisse contra adversarios suos, quâ nos hodie contra nostros? Et hujusmodi Consequentia ac Illationes, quibûs una veritas ex altera deducitur, innumeris Christi Domini

Domini exemplis comprobantur : Igitur neque-  
unt rejici à Christiano.

112. *Demonstratur 2.* Consequentiaꝝ oſores, S. Paulo, ejusque docendi modo adverſantur Hic ſiquidem ordinariè veritatem unam ex altera inferre conſuevit. Exem: cau. Rom. 5. v. 15 Ex hoc Fidei dogmate, quòd Adæ delictum, mortem poſteris adtulerit, deducit aliud de Chriſti Gratia in omnes redundante: *Si unius delictò multi mortui ſunt, multò magis Gratia Dei, & donum in gratia unius Hominis Jeſu Chriſti in plures abundavit.* Et 1. Cor. 15. Reſurrectionem mortuorum probat, inferendo abſurda, quæ per legitimam conſequentiam ex oſſita ſententia ſequerentur: *Si mortui non reſurgunt, neque Chriſtus reſurrexit: quodſi Chriſtus non reſurrexerit, vana eſt Fides noſtra. Ergo & qui dormierunt in Chriſto, perierunt. Si in hac vita tantum, in Chriſto ſperantes ſumus, miſerabiliores ſumus omnibus hominibus. &c: &c.* Nonnè hoc eſt, manifeſtè per ſequelas argumentari?

113. *Demonstratur 3.* Homines ejusmodi adverſantur univerſaꝝ Fidei Chriſtianæ, in qua innumera neceſſariò credenda, ut quis ſalvus fiat, habentur, tametiſi expreſſè non reperiantur in ſacris Libris, ſed ſolùm per Conſequentiam neceſſariam ex aliis textibus inferuntur. e. c. quòd detur Trinitas Perſonarum in Deo: quòd Filius Dei ſit conſubſtantialis Patri: contra Arianos. Sic quoque ex eo, quòd Chriſtus ſit verus homo, natus ex Maria Virgine, inferimus, credimusq; firmiter, habuiſſe verum Corpus humanum & Animam diſtinctam à Divinitate; item duas vo-  
lunta-

luntates, humanam scilicet & Divinam, licet per omnia sibi conformes, cum duplicem habeat Naturam. Ex eo, quod Natura ejus humana verè physicè unita sit Verbo Divino, inferimus, credimusque contra Nestorium, unam tantum, nimirum Divinam dari in Christo Personam. Ex eo, quod Christus pro omnibus hominibus mortuus sit, inferimus credimusque etiam Gentilium & Judæorum Redemptorem esse; item omnibus promeruisse gratias sufficientes, modò ipsi velint. Ex eo, quod dixerit universaliter; *Nisi quis renatus fuerit ex aqua & Spiritu Sancto, non potest introire in Regnum Dei.* Joan. 3. v. 5. Inferimus, credimusque etiā Infantes baptizandos esse &c: &c:

114. *Demonstratur 4.* Adversantur universæ Scripturæ. Nunquam enim Textus unus explicare posset alterum; nunquam possemus credere contenta in propositionibus universalibus &c: Cum omnia hæc per rectam prius consequentiam inferri debeant. Vos quæso, Syncretistæ; vos Libertino-Pietistæ, quomodo scire potestis, quod Christus vos redemerit, nihil siquidem de vobis in scriptura determinatè? Necessè est, ut id ipsum per consequentiam inferatis, sic: *Omnes homines sunt redempti à Christo: sed nos sumus homines: Ergo nos sumus redempti à Christo.* Verbò, nihil prorsus ad rem loqui potest homo sive de scriptura sive de Fide sine consequentia & virtuali saltem illatione.

115. *Demonstratur 5.* Adversantur Lumini rectæ rationis naturaliter nobis à Deo indito, (juxta illud, Psal. 4. v. 7. *Signatum est super nos lumen*

men vultus tui Domine) quod cuius dictat, rectæ Consequentia Illationi intellectum acquiescere debere.

116. *Demonstratur 4.* Adversatur Christianis moribus. Cum enim Scriptura præcipiens Opera bona & virtutum exercitium, communiter sit universalis, nemo autem extra intellectum operari possit universalia, sed quivis circa actiones versari debeat singulares; sequeretur, homines nec scire, quænam faciendæ sunt, ut salvæ fiant, & consequentur nec agere posse: Notitia siquidem contentorum in universalia, per rectam haberi debet consequentiam. Exem: cau. Beati dicuntur misericordes, in sacro Codice, & salvandi poenitentes. Sed adhuc restat sciendum, quænam sint opera misericordiæ? Quando. & quibus, & qualia in his vel illis circumstantiis exercenda? Quid requiratur ad veram Poenitentiam? &c: Porro omnia hæc per Discursum convictivum Intellectus, & consequentias legitimas inferre debemus.

117. *Demonstratur 7.* Adversatur omni veritati. Sublatâ enim Consequentia, nulla falsitas refelli, nullus hæreticus erroris convinci poterit. Si objicias illi Scripturam, explicabit eam suo sensu, inquit: Ego internum Spiritus S. Lumen in me experior, quod sic re vera intelligenda sit, prout dico. Quid igitur faciendum? An permittendum, ut putrescat in errore suo, aliosque interim decipiat? Nequaquam: id enim Lex Divina verat & humana. Convincendus itaque est per consequentiam: & inferendum, vel

ex



ex alia veritate; quam admittet, Interpretationem ejus non posse subsistere; vel quodnam absurdum inde sequeretur; vel quòd quicumque alius hæreticus, pari modo errorem quemvis tueri posset &c: Verbò, sine recta consequentia nemo certò scire quidnam credere aut facere debeat, ut salvus fiat; nemo rectè de hujusmodi rebus differere; nemo alium convincere valeret: sed homo fieret, *sicut equus & mulus, quibus non est intellectus.*

118. *Demonstratur* 8. Tandem sibimet ipsi adversantur oppositi, dum opinionem suam ex variis deducere Rationibus, adeoque consequentias saltem illegitimas instituere nituntur. Exaggerat Politicus noster pag. 20. v. 21. cuius contendendum esse, ut indicia & conditiones Salutis æternæ, quibus illa in sacris Literis appromittitur, in se suspiciat. Sed quomodo id sciri potest, cum scriptura in universali duntaxat, non autem de singularibus loquatur Personis? Formanda igitur, ut sciatur, consequentia, V.G. sic: scriptura docet, rectè credentes & justos salvandos: sed hi homines rectè credunt & justi sunt: Ergo salvandi sunt. Ast de minori grandis restabit Quæstio.

119. Hîs perpenſis mirari primùm haud pauci è Syncretistis ac Pietistis incipiunt, mox & exclamare: Deum bonum! tales utique non reprobamus consequentias. Respondeo: Quid ergo reprobatis? Num futes, illegitimas, adeoque nullas, Illationes? verùm nemo dubitat, ejusmodi nugas ab omnibus esse rejiciendas. An  
reprobâ-

reprobatis, quod ignoratis? sed fateamini jam quod sentitis: Illæ vobis displicent Consequentia, quibus manifestè, quod opinio vestra sit erronea, intellectum convincimus: Ut proinde effugium aliquod invenire, Argumenta Catholicorum declinare, vestrosque sequaces in præconcepto errore continere valeatis, sequelas & illationes circa Res Fidei institutas, in comuni sine fronte & conscientia reprehenditis. Verùm enim verò, si naturali Judicio vestro circa scripturæ sensum aut claritatem, quod ipsimet, fallibile esse agnoscitis, tam firmiter adhæretis, ut subicere illud Ecclesiæ Catholicæ Judicio, jugum arbitremini: Quid causæ est, quod veræ Consequentia, qua omnis Intellectus rectè dispositus prorsus convincitur, acquiescere abnuatis?

§. 6.

*Fucata charitatis, concordia, mansuetudinis, ac modestiæ Species, quam Syncretistica & Libertino Pietistica opinio induit, neminem seducat,*


120. Ratio est: quoniam sub simili specie, gravissimi omnium semper Temporum grassati sunt errores. Monuit proinde Augustinus, ut blanditias ejusmodi suspectas habeamus: e. c. lib. 2. de Symbolo c. 13. inquit: *Lupus est agnoscite: serpens est, ejus capita conquassate, blanditur, sed fallit: multa promittit, sed decipit. Venite, inquit, defendam; si necessitas est, pascam; si nuditas, vestiam. O lupe male! O serpens inique! vestis nudum*

*dum, ut exspolies intus Christó vestitum! pascis esurientem, ut Anima auferas cibum caelestem. Pariter differit Origenes de sui ævi Novatoribus: Et quædam etiam Diaboli modestia, est quædam etiam Diaboli gravitas & demissio & Theodoretus quoque lib. 4. c. 12. describens Nestorii hæresiarchæ externam frontis pròbitam ac modestiam, nec non in loquendo de Rebus Fidei, gravitatatē, ait: Hoc habitu, & hac simulatione populum inescians, magnam ætatis partem transegit, Christianus videri potius quàm esse studens. Sed opus non est, ut hac in parte nimis simus disertī cūm satis cautelæ ex ipso habeamus Evangelio: Attendite à falsis Prophetis, qui veniunt ad vos in vestimentis ovium, intrinsecus autem sunt lupi rapaces. Matt. 7. v. 15.*  
*Ad majoram Dei immortalis, Ter Optimi Maximi  
 Gloriam; Et æternam morsu-  
 lium salutem.*



2  
r  
-  
i  
.  
n  
:  
-  
s  
n  
x  
-  
1  
.





Biblioteka Jagiellońska



stdr0026701



